



舒藝室詩存六

江上

雙輪激浪塵逆風船如天馬飛在空青山滿眼不可卽  
惟見隔岸桃花紅紅桃綠柳春長在兵氣消磨已三載  
長鯨斬盡大江空直送江流入東海

此地

此地疑甌脫云誰後患懲喧賓偏奪主深谷盡爲陵商  
賈頻年減笙歌比屋增不愁焚玉石鑿壁眩傳燈西洋人煉

煤氣通地作燈中  
國好奇者從之

孫女阿葆

詩存六

離家今四載襁褓已雙了走避渾疑客孤生未識耶倚  
嬌頻索果愛好欲簪花嫁汝知何日吾衰滿鬢華

題姚石一

其鈞

頑石圖

卷石生高岡胡爲落塵土上無松柏陰下與瓦礫伍負  
此硯礪姿巧匠若無覩幽人拂苔蘚愛此質椎魯塊然  
吾與汝交道庶終古慎勿學卞和別足徒自苦

郡城感舊

殘磚敗瓦認模糊故跡難尋陸瑁湖卅載朋儻遊息地  
春風吹不到榛蕪

傷抱甕居故址

張涇堰上屋數楹正對園扉溪水清圖書爲我作師友

南匯張文虎孟彪  
書館藏  
西  
東

松竹與人同性情晚菘早韭有餘味春鳥秋蟲無俗聲  
今日遺墟還自弔六年殘夢太分明

上畱田

行至上畱田不聞鴉鵲聲華屋爲丘墟莫辨室與庭常  
棗不復花荆樹無遺榮深栽百年久翦伐誰使令沴氣  
夙已滋會與妖祥并飄風一朝至根本忽以傾栖栖失  
林鳥三市徒飛鳴海畔多梟鳴誘汝啄腐腥猝然遇矰  
弋同爲盤中羹胡不學譽斯故巢猶可營悲哉上畱田  
蔓艸無人耕昔我嘗三宿感此涕泗零冤魂如欲語白  
日悲風生

屢與小田遊宴而無詩別後卻寄

詩存六

二

四年離別苦相思相見還如未別時傀儡逢場聊遣日  
壺盧依樣嬾吟詩鄉心歷歷三杯酒世事悠悠兩鬢絲  
萬戶江城同調少童孫撰杖欲何之

頭顱七十未龍鍾小喜東南已息烽先德三朝恩重

湖編年一帙卷方終擬勤敏公年譜方竟孤甥每愛何無忌謂吳子百

蔣家學尤憐阮仲容事能繼其世居是火城門似水阿

翁餐菊子哦松副君子齋方署上海丞君書來言菽菊頗盛

東坡生日雨陳卓人太守立韋守齋都閩長貴丁

犀方明府壽保戴子高廣文望暨縵老壬叔小

浦中白同集飛霞閣

溼辰大雨天破慳公來笠屐喜展顏年年此閣祝公壽

公壽合比龍盤山閣中主客半新舊下拜同此香一瓣  
置身卻在水精域萬景都落軒楹閒恍惚霧豬祈雪處  
斲山若玦連若環凍雲四合意未已高下滅沒烟中鬢  
秋冬苦乾種不入老鴉背啄何太頑聞山中麥種多為鴉所食大無  
麥苗春可慮亂後那可逢茲艱先憂後樂公素志神力  
似憫蒼生瘝甘霖瑞雪一朝至龍公或者功補患風從  
北來盛號怒潢池盜兵師未班烽連商雒民困極奏事  
欲乞鳴天關願公少畱聽終曲天邊白鳳驂公還

題瓊浦歸帆圖

金雞一唱開天門扁舟解纜扶柔根蓬萊方丈若可捫  
扣舷坐嘯天渾渾天照之裔罄余尊神武開國數并吞

詩存六

三

日本書紀言其國始祖為日神號天照大神三傳至磐  
余彥大征諸國建元神武歲在甲寅以紀推之當在中  
國周惠王十年也求仙徐市今何存童男壯女長子孫海外此  
亦桃源成豐末多避亂日本者豺狼斬斫狐鼠馴歸來故山家  
室敦九峰茵鬱喜氣春本年浦人將歸娶四千餘里幾晝昏滄  
波東望惟朝暾

湘鄉相侯將至江甯

春風滿郊甸知是相侯歸頓覺江山壯潛生艸木輝投  
艱舒國計望歲廛民依本為匡時出誰云素願違

運日與縵老亮甫壬叔孫徵之廣文文川唐端甫

文學仁壽

宴集陳月洲司馬恭劍樸園次縵老

韵卽贈月洲

勝遊無處問漁樵，剩此園林興倍饒。時過曲水初三節，地似南塘第五橋。顛來拜石花宜笑，醉罷揮杯月可邀。莫訝家風慣投轄，元龍豪氣未全消。

曲徑迴闌上小亭，但逢佳客眼常青。閒中覓句同無已，有覓句廊老去編詩過古靈。月洲年逾強仕積稟已半尺依池補柳思恭緒，隔澗栽桃避尹邢。細桃欲謝而碧桃初開倘許花時頻載酒，只

今賓主共忘形。

喜晤王孝鳳京卿

和蒼蟬聯哨徧歌山城，殘雪拜東坡。五年重見秦淮上，君亦蒼顏我鬢皤。

墨磨盾鼻氣如雷，下馬飛書殺賊回。君在湘鄉相侯軍中總營務又

詩存六

脫征衣換朝服只今

廊廟正需才

君以軍功徵補五品卿

移局飛霞閣寄廖蒼泉司馬滬城

同治三年初復金陵入城訪冶城山朝天宮廢

址見飛霞閣萱橈僅存戲謂安得修葺爲登眺

地其明年官紳議以宮址改建郡學巴州廖君

督其工稍葺此閣居之同人屢來遊宴去秋竣

事廖君請移書局於此合肥李宮保以爲然今

春湘鄉相俟回江督任尋前議遂遷焉

戲言竟果當時願那得人生願盡如入眼雲山都舊識

當牖花竹適相於汲泉灌圃遲芟艸王叔以地高常受日曝不芟園艸以

護樹愛月登臺罷勘書寄語東遊廖明略鵲巢今已定

鳩居

子臥室  
君舊寢

喜雨呈湘鄉相侯

冬春久屯膏及夏猶吝施屏翳彊作雲風伯輒沮止迄  
今芒種過我藝吁可俟下田無水辱高田苗欲死巫覡  
詎足誅社神徒享祀或言兵燹後凶荒每相比或言民  
俗積餘劫懼未已惟公作霖雨愆伏資燮理齋戒肅禱  
祈未旦先櫛纒走求甘露王初禱雨  
甘露庵虔請功德水取靈  
谷寺  
入功德水供之以致驗慈悲仰佛力三日一霑灑蔚然四  
野蒸艸木皆色喜公曰嗟一方大澤當廣被滅從出東  
門徒步二十里一身爲蒼生誰云卹勞罷龍宮聿震動  
急喚雨工起靈官擁幢節雲旗風旖旎甘霖不在猛雷

詩存六

五

車但殷爾滂沱下九霄優渥無遠邇農夫額手慶相勉  
力耘耔行者歌于塗賈者舞於市一誠消百疹天意亦  
返視公曰上帝仁予德焉致此先憂後宴樂賓筵陳百  
醴鯁生實瑣瑣亦得預盤匱側聞大河北赤地絕于耜  
畿輔尤阻飢發粟伊何底昔者桑林禱六事請罪已陳  
善公素懷曷以獻

天子

與縵老唐端甫陳小浦觀察觀荷元武湖和縵老  
梅雨欲斷天未晴觀荷急約侵曉行城頭鍾阜久相待  
白鷗憶汝三年盟樂遊原過近出郭懷袖已覺芳香盈  
長隄一望意轉驚綠雲漫漫廿里平凌波仙子不可卽

正似隔海求蓬瀛司城解事呼老兵兩舟分載細竹撐  
須臾忽已入花裏線路直與鳧鷖爭紅妝千百齊笑迎  
左圍右繞錦作屏八姨素面尤茗亭眾中無言獨目成  
童童翠蓋旗與旌飲我仙露承金莖卻疑身到眾香國  
不然便是芙蓉城中央小泊上洲渚豆棚瓜蔓嬉婦嬰  
武陵桃源亦耳耳安得三徑開柴荆燃藜當日照圖籍  
乘蓮應來太乙精嗟哉往事不可說江山落落天地清  
迴船乍聽提壺聲碧筩無酒空自擎水雲漠漠風泠泠  
天公有意縱此情扣舷有客倡高詠愛蓮誰似周先生  
無端

樹影扶疎竹影橫半牖涼月聽秋聲無端四十年來事

百念偏從靜處生

詩存六

六

趙季梅中翰

彥脩

招與李小湖廷尉

聯琇

劉叔倪

文學

恭冕

壬叔端甫子高同集學齋卽事

嘉會無俗客因知主人賢誰云首蓓盤珍錯羅芳鮮意  
餘酒食外享在儀物先縱論探古昔高情極談天循塗  
非一階至道詎在偏在喧固宜息由醉毋乃愆哲人貴  
和光埋照天自全宮牆旣不遠孰敢矜斐然

東坡生日錢子密京卿

應溥

吳肇甫閣讀

汝倫

蕓齋

庶昌

周陶齋

鎔

兩大令暨陳作梅劉開生

葉雲巖鍾西白趙季梅陳小浦縵老端甫壬叔

孟輿同集飛霞閣用臘日遊孤山訪惠勤惠思

二僧韵二首

鍾山雲氣壓後湖

用蘇子容例

兼旬釀雪一點無天門晴開

詠蕩蕩半空笙鶴聞遙呼客居不念妻與孥良朋會合

聊寡娛常年此日例薦芷野服每隨青紫紆妖氛殄滅

安井廬西山寇盜勢漸孤

合肥李宮保大破山東股燃降其眾惟山西張逆一股未

滅長江千里坦如席豈有伏莽遺萑蒲優游我輩皆仙

夫痛飲一任西日晡惜哉雲林不在坐丹青為作弟二

圖

乙丑之集倪豹丞山長作圖

花豬大嚼饜餒餘醉眼見公狀蘧蘧

新詩投我覺已通天風海濤不可摹

卅年一夢西子湖湖邊樓觀今在無歲寒巖後巢居閣

拍手笑把山靈呼梅花可妻鶴可孥後車不用隨清娛

詩存六

七

題詩往往在巖壁狂墨橫斜春蚓紆當年二惠此結廬

天親無著德不孤東坡先生來度臘我亦踏雪齋伊蒲

行年六十成老夫欲訪昔遊曷已逋殘燈洗盞讀公句

林深水清如畫圖倦來僵臥薄醉餘蝴蝶非幻莊非蘧

夢酌寒泉薦林逋湖光山淥誰與摹

某烈婦詩

烈婦續溪胡氏女適同邑某翁季子四年姑前

沒翁年高長次妯先後接婦不得於翁遂不得

於兩妯亦遂不得於夫夫病篤謂婦我死子奚

若婦默然夫曰盍死婦曰然則死爾夫死婦遂

不食有勸者翁曰此我門戶光也益辦婦身後

事婦竟死後其夫四日同治六年四月七日也  
翁乃大治喪挽人言大吏請旌表或曰婦死時  
見夫來迎香滿室或曰烈婦雖不餓亦且不久  
存作烈婦詩略其夫族詩爲烈婦作也

有尊宜事有子可嗣輕生殉夫事亦可止夷齊首陽秦  
穆三良程嬰報友志在則行夫生妾死夫死妾死息壤  
在彼妾死何俟非不欲餐奈此斷腸郎其來迎香車在  
房謝吾族黨慰我妯娌孝養吾翁顧復吾子

纓老得舊牙章文曰督師輔臣史可法章約同人  
共賦

碧血丹心煥大名詞人懷古首同傾一隅孤立空銜在

詩存六

八

四鎮紛馳將令輕龍種清狂非日角鴻溝飛渡況  
天兵莫將成敗憑苛論此亦文山玉帶生

與纓老子密小浦壬叔游靈谷寺新建龍王廟觀

八功德水訪誌公塢

赫赫新祠廢寺旁

靈谷寺旁舊有龍王廟毀於粵寇去  
年大旱湘鄉相侯禱取入功德水屢

應因重  
建龍祠

龐眉何處識龍王不因救旱休輕出春來多雨好護

甘泉惠十方

岸谷遷移事莫憑

誌公墓本在鍾山  
不明營孝陵移此荒涼墦院付孱僧

一般瓦礫今餘幾卻向孫陵望孝陵

園中碧桃盛開同纓老壬叔作

地占高寒俗豔空枉他千樹鬪天紅尙嫌冶李非仙骨

翻遣江梅在下風園多 爲宮幽棲莫放漁郎入望斷晴霞霽雪中

園中白牡丹同縵老壬叔端甫作

姑射神人絕世稀 重樓春暖玉池肥 時流藻績胭脂賤 仙國榮華錦繡非 誰道孤高無厚福 轉從富麗見清機 窺園幾許誇姚魏 金紫都應媿白衣

奉次湘鄉相侯韵贈巴陵老儒吳南屏敏樹 卽題

所著國風原指後

閉門挈經幾篋攝齋升堂五鹿推等身著書老更健 一舸浮江遠有來洗兵欲傾東海水吳君將編 訪舊重 話西廳槐祇園小飲今雨集四月五日趙惠甫招同縵老壬叔端甫子高集妙相

詩存六

九

庵是日大雨 急湏共聽飛湍逐良玉在璞有含蘊和風著人 無悟乖文章不拾韓柳唾詩句恥撥陰何灰卽今東南 漸舒困雖有旱潦仍免災中興戢亂首郭李名世重望 專伊萊保障巖疆眾所母包羅賢俊公皆孩大施文教 別鼠蠹豫養蒙孺消蠹豺感通情性孰詩若動言淫奔 毋固哉好學深思在達識以意逆志非浪猜攷求篇什 曩有願中值干戈茲久隕當時借物託褒刺正似微詞 書定哀會正人心抉茅塞先明古義祛塵霾維侯勳業 白日爛吾子撰述秋霜皚衰慵自幸窺豹管流俗何恤 驚蛇杯國風既看癥結解雅頌亦冀康莊開郊禱履屨 未敢信勿狗鄭說誣姜邵

前詩成獨後諸君復依韵解嘲仍懷南屏浙遊

我譬之器箠與筵急就篇筵箠筵筵筵竝諸瑚璉色蚤摧節風

濫附十五國請樂媿遇延州來又如萊施本小艸敢比

橘柚聯榆槐昨者華鐘發鯨吼金罇玉磬羣相逐自憐

瓦釜不成響欲和先愁音律乖餘生分擬擲溝壑何意

黍谷回寒灰月靡廩給陪眾彥每慮福過翻爲災朝暉

夕陰徧胸臆路人遙指疑蓬萊有時喧闐車馬集驚飛

山鳥奔鄰孩那知舐筆校書處五年前尙蟠狼豺君來

登閣一舒眺六朝繁華安在哉君家園林洞庭上出山

不憂援鶴猜一誠待物無外飾古道誰謂洪荒隕安得

人心盡如此定看虎化還牛哀 國家威德布吳越櫬

詩存六

十

槍盡埽無氛霾荒涼城郭經劫後艸閒殘骨餘皚皚東

遊四明觀海日顧憶沉澧坳堂杯新詩滿囊歌載駕平

津東閣當重開歸程應弔卑猶家不學公劉出自郤詩譜

謂公劉自郤而出顯違外傳辨見國風原指故戲及之

送陳喬森孝廉下第歸雷州三香筵字韵

燕尾涎涎魚尾筵長鳴一鶴翅獨摧逢時自有奪標手

君非其人胡爲來遠離父母九千里跋履幾蹋長安槐

燕都地瘠况遭水蹂躪更受羣豬逐近築長圍誓殲賊

寇賈竝列情無乖公忠體國去私怨勿畱餘蠶重然灰

同仇恤鄰古所志雖在敵國猶救災齊東一隅良富足

創痍恐復遺青萊耕當問奴織問婢何至老嫗惜綉孩

飼鷹飼虎術各異牧獸未聞兼育豺

以上皆陳君語劉賁三策

一不用功名於我何有哉投竿東海下南海逸氣不惹  
閒鷗猜淮堦朝見裴叔則玉山朗然初未墮詩篇盈冊  
見情性閒叶豪竹無絲哀西浮章貢陟大庾長嘯劃破  
江山靈入門權笑拜家慶倚廬二老絲添皚人生孰如  
事親樂上壽跪進南山杯當前菽水勝五鼎要使老人  
懷抱開倘問神京話全盛請從昭穆追封邵

梅雨不止四沓筵字韵

清晨急點如豆筵亟起惟恐牆壁摧繞閣羣山盡滅沒  
雲氣腥挾蛟龍來李侯鼾睡亦驚醒狂佳夢尙戀南柯  
槐池繩附勢鳴得意助以萬鼓同喧豕坐令膈几黯於

詩存六

七

漆把卷頓疑眼力乖自春徂夏阮谷滿誰能豫蓄媯皇  
灰江南耕種恃梅雨常例豈敢論平祥災去年江北大  
荒歉兩遇旱潦田汗萊飢鴻徧野苦求食牽牽老弱連  
乳孩逢人叩頭手指口一錢難似羞謀豺正慮今年復  
如此天於爾輩何靳哉人心蠹賊終未去世事反覆吾  
忍猜李侯披衣忽大笑昔已迂謬今更墮書生所志飽  
暖耳戚戚無事徒生哀請呼長風自天下一掃萬里消  
沈霾并逐閒愁出天外勿使人閒元髮皚紅雲一朵捧  
初日酌酒勸以流霞杯想見江南新雨足綠蓑青笠平  
疇開閑閑十畝樂莫樂肇祀豐年歌有邵

送容純甫再赴彌利堅

地厚三萬里徑一三其周此至墨瓦蠟路實半地球匹  
於四天下獨自成一洲彌國雖後起雄與英佛俾代立  
效契丹擇賢與眾謀賢哉華盛頓立法今率由容君長  
彼方燥髮習眾咻始誦希臘書餘者以次求祿理熟幾  
何字母別舌喉觀天識象緯察地分剛柔化學宗抱樸  
音律徵州鳩格物以致知一一窮冥搜成童詣已進自  
黨旋升州舍去歸中華明珠欲誰投俗士駭奇論橋舌  
張兩眸高才應世出長揖湘鄉侯秋天見鵬鶚信非凡  
鳥儔奉檄采輪機再賦知北遊老馬貴識塗往返不兩  
秋布衣使絕域六命未足酬五口既通商彞賈沿海陬  
利權攬華商欲以一網收華商日以貧國計大可憂君

詩存六

三

乃獨奮然陷盾仍需矛人亦同此人舟亦同此舟海亦  
同此海浮亦同此浮豈有彼所能而我必不猶磨杵可  
作鍼集腋終成裘請為豹隱霧試與豺謀羞條陳諸事

宜織屑無遺籌徑航太平洋

由廣東至北彌利堅向須繞道歐羅巴今太平洋有

船則由南彌利堅直達矣

半載期歸休爭馳江海間會慶成梟牟奇

肱昔朝殷成湯毀其輶公旦作司南越裳感首丘技巧  
非治術遇事聊一修聖賢豈不知持源慎其流竭來二  
十載世局頗謬悠喧賓久奪主蹄跡隨所蹂鄉愚眩新  
奇詫謂天故優惟君幼所習見慣無殊尤有為亦若是  
志定氣自適古者重邦交亦以聯同仇神堯用突厥諸  
葛和孫劉彌人素恭順與彼殊薰薈犬牙勢相牽排難

資捍振苟能審彝情毋使愆乾餼匈奴擊右臂西域皆  
置郵 國威今始振及此宜綢繆誰能效長策命爾朱  
軒輜仲夏日甲辰大風何颼颼耿耿倚天劍幸勿笑蒯  
緜酌酒以贈君去斬長黃虬

山谷生日纓老季梅壬叔端甫同集飛霞閣用觀

劉永年畫角鷹韻

誰言曹鄴非楚敵朵頤江瑤豈痴癖瓣香敬爲黃涪翁  
遺像蕭然見顏色排雲一笑大江橫浩浩天風振鸞翮  
先秋七日伏正中忽作新涼殆神力坡老仙才如太白  
惟公學杜能守黑西江社派戴初祖畢竟幾人曾面壁  
祝公兼復祭公詩以公集陳几筵欲借金壺漑餘墨覓句同懷

詩存六

三

冰雪心舉栢都忘去聲炎威赫龍井不輸雙井美纓老構龍井茶  
來有似醅醪灌胸臆竭來澹薄鑿苾苳大酒肥魚今破  
格勸君良會須盡懼此日不飲劇可惜閣前明月八分  
圓便泛秦淮計亦得約泛秦淮不果

與壬叔端甫後湖觀荷卽事四首

特爲觀荷起四更覆舟山下待鷄鳴殘蟾欲墮曉風急

花香入城人出城

蘆簑新添兩槳船急篙撐入綠雲天風裳水佩仍無數

猶道今年遜去年

深紅花閒淺紅花映射初陽豔更加偏有縞衣藏葉底

不將顏色鬪朝霞

花爲四壁屋爲船洲上人家水作田徧種胡麻不留客  
洲上多種脂麻

送壬叔以算學徵入同文館

聖朝特達崇天算二百餘年兩勿庵知是觀臺占象緯  
進賢星自麗東南

西法流傳逐漸新借根對數已稱神一從羅密書翻後  
代微積拾級米利堅羅密士所著謂代數及微分積分也君從英人偉烈亞力翻出又使前賢歎  
積薪

律度量衡事本連誰從墨翟溯遺篇墨子經篇有涉算學重學者讀者每忽成書細譯胡威立機器無如重學先著重學十七卷君從艾約瑟翻出

詩存六

四

貫徹中西別著書言皆心得理非虛遂知梅氏藩籬淺

北薛南王更唾餘所著有則古昔齋祿學

薦牘登崇首郭公前廣東巡撫郭中丞始以君名入告給資津遣有南豐

謂湘鄉節相人言此去非輕出數學昌明萬古空

習算同文館特開搜羅賢俊上金臺通商別具平戎策

要試強兵富國才君論算學一明節可強兵富國

曆看朝暾與晚晴六朝山色最多情涼宵仰見長安月

夢了秦淮夢冶城

僕指論交廿載深頻年客舍復同岑直言寄贈思良友

欲擬觀瓶續酒箴同治癸亥夏予自滬赴皖同郡胡遠公壽屬勸壬叔少飲

溫鳳樓刺史由武進令調任金山沓口字韵詩見

寄奉酬

相知不在面結交不在口新詩與書來深感用意厚鹽  
車酬小試百里隘所受卻聞甘棠陰常郡城內有甘棠橋過者慎  
趨走柘湖海一隅下邑屈老手茸齒依諸侯媿彼沮溺  
耦傭書給衣食自待亦已苟躡冶多少年庸劣竊自守  
虛名復何益分與艸木朽寤寐思釣遊不謂因循久高  
才作循吏於君指屈首召杜與龔黃豈必異先後好善  
如好詩去惡如去垢遙知告秋成飲蜡將進酒兕觥獻  
使君歌舞甕自扣誓將整歸裝小別辭鍾阜鞠脰躋公  
堂添籌祝三壽

送湘鄉公移節畿輔別有序

詩存六

五

江南幾陸沈惟公實再造比年加潤澤漸以起枯槁苦  
熱與汝涼苦寒與汝燠祈雨雲油油祈晴日杲杲仁心  
隨所感藪莠化禾稻祝公畱十年使我家室好民肥公  
愈瘠

天子恤元老詔公歸京畿公歸一何蚤虛茲借寇情歎

息到窮媪

有媪至陳虎臣司馬家曰聞相公將去曷不請畱

以公爲嚴師百司自相程以公爲慈母百姓皆乳嬰軍  
旅思教養依公爲父兄遠聲慕威望公如神明公曰  
我何施施之惟一誠一誠之所格足以通物情誰爲後  
來者此意無改更蕭蕭西北風吹公東北征冀公一日  
畱緩公一日行

冶城一培塿忽復成泰岱巖巖夫子牆三山孰敢背聖  
澤所宥流儒末同灌溉惟公振文教亦以恤士類嗟嘑  
窮老生亥豕久自昧侯門多濫竽忽忽踰五載進固匪  
所思退亦敢輒退遷史百卅篇警校詎一再明年劖劓  
成歸去還種菜

公來山川喜公去愁山川山川何愁喜人心視之然鍾  
山何連連豈無豺虎踰江水何湛湛或有蛟龍眠阱亦  
不在陸網亦不在淵消弭固有時須公畱十年豺虎爲  
麋鹿蛟龍爲鮪鱸江水何湛湛鍾山何連連旌麾一回  
顧曰極東南天

東坡生日孫琴西觀察衣言陳子舫慶瀛郭慕徐

詩存六

六

階兩太守葉雲巖副鎮折莊守齋司馬祖基暨

縵老子密小浦端甫季梅同集飛霞閣時縵老  
將歸湖州而孫陳兩君皆癸亥冬在皖城同此

會者相隔五年矣琴老先成長篇頗述聚散之  
感撫今追昔不能無言

江樓荐芷憶銜栝山閣賓筵又幾回自乙丑至此六載

明權憑地主一時游讌見人才魁垣轉建晨星散湘鄉

行寓公萍水重逢舊雨來爲誦雪泥鴻爪句東西蹤跡

漸稀信難猜

竟甯鴈足鐙高建初尺六寸一分盤高九分弱徑

五寸二分強盤沿題識云竟甯元年考工二護

爲內者造銅鴈足鐙重三斤十二兩護武甯夫  
霸掾廣漢主右丞賞守令尊護工卒史不禁省  
又一行云中宮內者第廿五下少空又云受內  
者凡五十四字先在維揚馬氏厲樊榭有詩展  
轉歸吳縣潘季玉布政曾璋蒼閒艸堂湘鄉曾  
劫剛公子紀澤詠布政拓本屬題

錠體似登古製明巧匠變式由西京何取乎鴈能知更  
何取乎足行列平虛韓八朝懾炎靈繫帛不勞蘇子卿  
制器尙象紀厥程年題孝元元竟甯重六十兩中古衡  
省者五人署職名爲內者造工護銘五十四字雲中星  
翁尊汪容前後放釋精部老莫子晚出尤錚錚就中一

詩存六

七

字疑難訂爲考爲寺皆殊形考工二護正與建昭鴈足  
鐙考工二輔一例但彼文  
考作或此似作去文較漫聽耳達人自寄懷古情雞三  
愈蔭甫太史釋爲寺字殆非也夔一毋啟爭蒼閒艸堂彝鼎盈對之奚翅面百城千九  
百載此器呈流傳歷歷非杳冥安得建昭鐙合并足不  
孤立雁序成

歸舟遣興

歸期早已卜前秋兩度春風又石頭惹得山中猿鶴笑  
有誰催去爲誰留

小別傾觴借饒春相逢客裡最情親韓叔起刑部趙季  
梅唐端甫招同孫  
勤西觀察李小湖傷心知我黃公望小田下世此去鄉  
廷尉爲予餞行逾年矣

關少一人

我是行人復送行

曾劼剛侍母北上同行至瓜洲而別

行人相對不勝情

大江東去瓜洲步同路分船又一程

咫尺松篁近可攀七年四度過焦山前身我是華陽鶴

一墮紅塵不許還

飛輪過處滿江烟奇器爭誇下水船到得逆風猶減力

可知人巧總輸天

### 讀書秋樹根圖

十年種樹在根深展卷悠然望古心費卻栽培無限力

者番消受好秋陰

姚吉仙女史

其慶

以詩來質次韵畬之

高才幾輩競偁詩敢冒評量一字師亂後心情真廢井

詩存六

文

愁來髣髴久成絲支撐柴骨終寒乞敷衍囊書又詭癡

論字篇韻皆平聲顏氏家訓力正反

何事織絹雲漢手頻將剩錦問巨遲

見見聞聞盡入詩多師何必定專師夙間道蘊吟風絮

已遣文姬解色絲

女史幼慧父魯徵實更須參語妙翻

空原不忌思癡揮毫落紙毋求速學繡鴛鴦要巧遲

### 訪篠峰山居翌日以詩贈行次韵奉畬

查岑近海墘授餐昔適館忽忽四十年蓬萊竟清淺惟

此歲寒心松柏各自勉榮枯隨世變勿歌棗纂纂陋彼

賤丈夫居奇祇圖蔽盜賊如飄風急難何幸免扁舟訪

舊游便結漁樵伴雞豚爲我具夜雨韭新翦招邀二三

子坐客何必滿浮榮我久忘失志君奚瘡所恨良會難

衰年向蓬轉

寄溫鳳樓刺史三杳口字韵

時署金山縣事

吾懷趙廣漢偶者不容口峻法實衛民用意亦良厚吾  
懷尹翁歸干請一不受案籍誅黠豪盜賊皆卻走頗聞  
江浙交姦宄夥游手博場酒肆閒十百聯眾偶黑夜肆  
狼貪白日行狗苟強暴猝相乘貞絜幾不守良牧務去  
害大匠豈彫朽況乃從賊徒網漏亦已久執豕先縛足  
斷蛇宐折首刑亂用重典及此大寇後一朝醜類絕有  
若骸去垢兩腦校班書每每澆濁酒寬猛與恩威兩端  
理可扣執中以達權庶使民物阜姦人不入界吾懷韓  
延壽

詩存六

九

示姚吉仙女史沓詩字韵

詩裏尋詩豈有詩工詩要以古爲師花非蜂釀難成蜜  
葉到鶯眠盡作絲食字不仙須待化借書能讀豈云癡  
卽今奉母猶多暇自課何愁向學遲

次韵酬吉仙

因循歸計去還畱展卷番番落葉秋不信渡河真有豕  
何期誤筆遂成牛時覆閣同人所校書千山霽色青排闥一笛斜  
陽默倚樓多謝新詩勞遠寄客愁重杳又鄉愁

正月二十日孫勤西觀察邀同薛慰農山長

時雨

季梅子密小浦端甫子高集飛霞閣祝白香山

生日以東坡配之

以去臘未祀故補行

大裘願不遂乃以詩人名髣髴間中白愁腸樂處生憂  
時杜子美述酒陶淵明其後三百載東坡同此情

古今屹相望每恨不同時鬱鬱孫知諫良深千載思玉  
堂殘夢冷江海宦游遲觀察以待從  
許當事改外亦有杭州守慰農風

流欲繼茲

官梅初放萼已過落燈風敬為香山老仍邀玉局翁高

情牽幕府冷暑附巖宮天意開晴旭連陰初霽清暉滿閣中

身世無窮感當前且勿孤詩篇兼二妙觀察先成長篇  
兼白蘇之概

酒興隘千觚舊約遷延役新盟主客圖春波通四水請

為寄潛夫乙丑正月與纓老曾有是約  
而未果今纓老已歸茗上

盟心古井圖為同里張翁題

詩存六

辛

混混古井水照見慈母心孝子念母恩更比井水深朝  
擔簣汲水暮擔簣汲水汲水驚作糜育此三歲子食糜  
兒漸長就傅兒讀書脩脯從何來慈母所拮据豈徒母  
拮据亦賴叔父母篝燈績寒宵語兒母叔負兒身日益  
長母心日益摧嗟彼泉下人暴露何時埋讀書學為人  
詎別商與士孝義苟弗虧何必求達仕生不見父面祇  
聞慈母言立身不媿父飲水宜知源飲水宜知源母言  
猶在耳欲養親何存酒淚向蒿里爾親亦已葬爾志亦  
已伸還當念母言事叔如二親

慰農山長招與張子虞孝廉預楊古醞唐端甫莊

守齋泛舟秦淮

纔過黃梅雨南風尚未熏清游偕勝侶高興託閒雲劫  
後增餘慨尊前溯舊聞桃溪東去路無復白鷗羣  
暮色催歸櫂沿淮又泊舟萬珠齊出水一笛靜聞謳掣  
電烏雲外殘更野渡頭明朝重說夢奇絕羨陂游

咄咄

咄咄真堪怪何來蛾射沙風聲驚市虎弓影眩杯蛇詭  
譎人心幻丹青俗語譁此中宜靜鎮且莫鵲隨鴉

感事

射圃牆西便閣開元侯散從闕兵回升高忽有戎機伏  
坐鎮應無敵國猜盛德袁絲俚眾口借交聶政爲誰來  
懲羹藉藉吹齋急設衛嚴更苦費才

詩存六

三

詠史

豈同爭勝起卑梁宇下依然託我疆爲卹勞民無瀆武  
特寬窮獸莫持強幻人或者來西域款議終須撫遠方  
恩遣令公單騎至可知前是郭汾陽

勤西觀察慰農山長移席飛霞閣招同子密小浦

季梅端甫子高劉恭甫學博

壽曾

王子莊

茶楊

蓉初

晨

兩孝廉錢怡甫文學

華榮

莘甫明經

賄

元

及觀察詰嗣仲容孝廉

詒讓

祝東坡生日用

翁覃溪學士題像詩韵

隨堂又祝坡公壽老境積唐髻雪加五日入春梅破萼  
十年殘臘客爲家福星依舊臨牛斗

湘鄉公復  
督兩江

佛力終

期定藥叉幾箇閒身無恙在寒泉歲歲荐香花

氣節文章自千古富韓相業亦何加坐中公等皆作者

此後幾人堪大家便欲鑄金同賈島敢矜卽席效劉義

蘇齋繪像見斯幀昔聞外舅姚堅香先生言嘉慶丁丑東坡生日集蘇齋縣像十六幅以陳

老蓮作爲最愁絕覃溪老樹花詩頗見

白公生日勤老慰老子密季梅端甫子高恭甫怡

甫莊中白莊守齋沈戟門學博集同集飛霞閣

以阮文達爲配文達亦同生日也集中有和白

公白髮詩韵因亦用其韵

白公烈丈夫本陶穀影堂記志與千載期何圖強仕年戚戚感

鬢絲我讀白髮詩外寬中實悲所悲非白髮此意誰則

詩存六

三

知一莖兩莖中無限興與衰阮公撫兩浙方在全盛時

生朝偶嗣音夫豈憂瓶嬴以詩論公學譬若體一肢白

公青田鶴公其爲長離昔歲我謁公甲辰頗恨識面遲而

今拜几筵二老肩相隨應憐窮老生頭白學未治

上巳日作歌

去年上巳日己巳今年上巳日癸巳巧逢吉日又重三

不值歸餘那有此去冬十一月三百八旬五日中紛紛人事

鳥可窮榮枯禍福生與死此豈敢讓能爲功摯虞俗說

固可晒束皙諛辭徒博引洛邑浮觴古莫徵河心捧劍

神何進去冬恆煥春恆寒六氣之沴人易干發舒陽氣

散陰濁正乏斗酒邀朋歡八年以來寇氛淨續魄招魂

喘方定非鴉非鵲在巖穴見唐書五行志虺蜴何時改心性虺  
蛻不必由與林惡氣漸染由人心安能一日盡蠲潔世  
治年豐無毒淫老夫衰慵百無用歸與村翁話耕種今  
晨不雨亦不晴更卜蠶房繭如響占候家言是日陰宜蠶

飛霞閣襟詩

昔我遷此閣眺望日再三朝暉與夕陰寢食都忘甘  
茗獨徒倚對酒尤沈酣有時月當頭與客深夜談客言  
此仙居我亦劇自妣荏苒四五載數見漸覺厭童山無  
草木禿鬚殊可嫌經旬或一憑苦霧埋雙尖夏日兩受  
灼閣東風西面寒風四遭砭淺夫心無恆於理實未奄顏子居  
陋巷道味乃自炊

詩存六

三

小園僅三畝立石畱

天章鬼神所呵護旭日生輝

光傑構接飛雲

御碑亭西北隅為飛雲閣

文木為棟梁五色炫琉

璃山翠羅周廊朱欄與碧瓦殿宇居下方談笑慎勿喧  
咫尺夫子牆

危亭踞山顛離閣不十尺豁然見全城眼界遽開闢乃  
知足所踐少進境已易金陵固形勝八代帝王宅青龍  
何蜿蜒一氣連白石西南望大江三山如列戟長風自  
天來為爾掃胸膈此閒非空山長嘯戒我客

吁嗟松與柏詎非梁棟材拳曲踈步閒侶此桃與梅無  
花可娛目徒然寄根萑安能移深山匠石毋驚猜百年  
遂參天直幹排風雷鸞鳳巢其顛元鶴時下來會實堪

長生芝草不待栽託根彼何地新甫及徂徠

碧桃何亭亭皎潔意自負而其冶蕩姿都非玉梅有纍纍頗結實味劣不可口乃或歲兩花似矜得天厚非時忽見榮乘氣特其偶

叢竹非不愛無柰生道旁當門蘭尚刈况乃無色香篠長不及肩弱得生夏涼謂其能陵寒莖枯葉復黃有萌細於指不足充羹湯徒資蛇蟲穴雀鼠時鳴張便欲移庭隅又恐穿我牆穿牆我不恨願爾成簞簞

昔歲廖明略於此監眾工作砌植牡丹何止二十叢當春花不發工葺君亦東明年忽擢秀孤莖出蒿蓬皎如洛水神縞袂來瑤宮此後竟憔悴於今遂無蹤惟有蜀

詩存六

五

葵花不自亦不紅長者高過人短或如秋菘年年應節物不俟栽培功

野蔬嫩可茹惡艸弱可除蔬老不可食草蔓漸難圖主人奮大勇授策呼蠻奴野蔬畱其種惡艸絕根株奴曰盍早計至此何分殊磨鎌向亭陰一例芟雜諸草根未必盡蔬種則無餘世事有如此行園徒歎吁

冶城古西園儒道迭相代

宋初本學宮天聖後爲道觀今復之詳見景德建康志

氣聚各一時其極五百載卻笑西州門鞭撻徒感慨華

屋固不存山丘復安在書臺與劔池舊跡更沈晦祇餘

忠貞墓壯氣猶敵懷訪古多巨公雍容盛劔佩卻後五

百年名姓存幾輩

杞人

虎踞龍盤白下門杞人登眺易銷魂徒薪計拙言非職  
忌藥醫遲病久根未必潰隄由蟻穴姑憑漏網柰鯨吞  
接天豐草鍾山路誰憶當時舊燒痕

湘鄉公招同李小湖薛慰農張濂卿裕釗三山長

桂皓庭孝廉文燦馬鍾山大令徵麟曹鏡初郎

中耀湘汪梅岑莫子偲唐端甫戴子高劉叔俛

恭甫宴莫愁湖勝基樓皓庭作記索詩走筆應

之勝基樓在妙嚴庵新落成

謝傅土山墅裴公綠野堂功成樂人樂豈曰狗宴荒金  
陵古名都十載淪封狼惟侯力歐除重見日月光土商

詩存六

五

各歸業首政勤農桑疏節去苛察羣材自徊翔舊跡漸  
以興祠宇崇輝煌豈不秬度支亦使民氣揚石頭踞西  
隅淝水餘荷香乞身既未遂對此懷沅湘重樓麗丹牖  
目盡羣山蒼中興與開國勝基樓有明中山王徐達畫像功業遙相望  
揖讓眾賓集綺席陳霞觴傾懷隨所申足以觀中藏夫  
君區冊流慕義頗自強昌黎喜竝世願在弟子行振筆  
記茲游議論何慨慷晏殊本庸樞作鬪陳歐陽使易謝  
與裴定賦嘉魚章身乎滄海大鼃黽奚能量時頗有腹誅者皓庭  
以此致慨

妙嚴庵感懷莫偲老君卒於泰興舟中喪回暫殯於此

一月不相見竟成千古哀嚮時觴詠處今日哭君來風

雪寒孤館湖山闌望臺言愁愁便至讖句孰能猜君英樓聯云勝固喜敗亦可喜人言愁我始欲愁勝基

東坡生日勤老招同應敏齋廉訪寶時勒少仲觀

察方琦吳莘農學博紹伊暨慰農山長季梅子

密澂之端甫子高集飛霞閣次勤老韵

鍾阜數峰餘積雪似與羣山鬪高潔羣山崛强氣未降

迤邐昂頭赴天闕東坡詩句百態新飄然畫像如生存

孫侯鑑錘與蘇敵妙合鐵錫銅金銀招邀眾賓來閣上

縱飲高談喜天放詩成浩氣壓時賢幾輩高才色惆悵

宦游落落三四公平生出處同不同湖山樽俎大可樂

烟蓑莫羨多牛翁明年還祝白公壽高會不限香山九

詩存六

三

請約當前十二人賓筵日日和陽春

香山生日勤老招同楊樸庵孝廉長年薛叔芸觀

察福成汪梅岑劉恭甫莊守齋季梅莘農端甫

子高集妙嚴庵用白集庾樓曉望韵

奇懷暢好值良晨勝境流光一例新佳約重尋添白髮

同游幾輩在青春楊枝未信牽情障祇樹何緣著色塵

庵供莫眠眠湖波愁不絕欲將杯酒酬陳人謂莫

題陳容齋司馬寶衡雪夜探梅圖從湘鄉公保

燕南美人冰雪姿何似江南春一枝綺裘茸帽何年少

夜踏瓊瑤訪所思卽今僕射如父師翩翩書記同驅馳

孤山鄉夢三千里惟有霜天皓月知

曾文正公薨既爲文祭之欲哭以詩忽忽久不成  
公喪回湘鄉後一月始就四律句

公薨五經月痛定益哀思天簡

三朝輔風興百世師純忠無矯節實惠善因時正有蒼  
茫感人聞未盡知

千秋論名世未必古今同遇勝李忠定才餘韓魏公及  
門多柱石拔萃到蒿蓬驅策無凡馬應知冀北空  
世人矜一得方寸已張皇學問融虛抱勳名入坐忘海  
波寬竝育秋月靜無芒心法伎求戒詩有不敢不求二能  
導道自臧

十載江南北侯門久濫竽多聞僂過實寡欲許幾儒辰

詩存六

三

贈句云多聞遠企劉中壘寡欲差同  
徐偉長又每見謂有儒者氣象云曰斷睇丹旆情深  
繫白駒去春辭席不許湖山遺像在和氣見眉須妙嚴庵供

生

十月十一日與趙季梅吳莘農唐端甫劉叔俛戴  
子高劉恭甫集妙嚴庵祝曾文正公生日退而  
作詩未以示人十二月十八夕檢覆舊稟增末  
二句足成之

去年八月雨復風公來宴客斯堂中今年十月氣晴朗  
薄牲庶羞遙祝公升天以來九弦墜笑貌尙與當時同  
東南半壁公再造開國詎讓中山功萬家生佛民所戴  
畫像卽今如放翁官民間多傳甲庚之間幾往返朝

旨特諒愚民衷謂當坐鎮鎮南服要使元氣回疲瘵突

黔席暝纔轉曠大星忽墮驚城東城東北紅光燭天或

騎箕尾朝北極或復真靈歸祝融全吳士庶公素恤庶

幾護佑常感通祠堂此日冠弁集正氣奕奕栖蟠龍龍

里專祠適落成安位從公十載我最久老謬不羞吳下蒙謁來衰

厥三請退蒲柳豈得齊喬松笑言子亦姑坐鎮喜子視

聽猶明聰朋簪會合殊不易此局未了毋恩愆歲朝一

謁竟千古反幸奠拜親鞠躬公於身世尠遺憾而世慨

歎無終窮感恩知已況吾輩白首仰望雲霄空年年尸

祝一尊酒循例請視蘇文忠烏乎人情世事日遷變明

年此會知誰重此大東坡生日之約多以事解者

詩存六

天

東坡生日張春陔侍御盛藻周星堂大令葆昌莊

守齋觀察趙季梅吳莘農楊樸庵都芝仙戴子

高劉恭甫唐端甫同集飛霞閣卽送孫勤西廉

訪入 覲廉訪約用前詩韵率賦呈同人

孫侯綽有湘鄉風節概正在冲和中主持風雅侯也在

有似坡老承歐公忽將陳臬移皖北攀轅惜別羣情同

固知素抱在經世要以文章兼事功離筵艸艸還小聚

歲例仍效覃溪翁人生離合亦常事出處各自全其衷

坐中少長皆俊彥我亦自忖罷且癡吳門歸權阻風雪

此會所惜無河東薛慰農山長當年抗疏爭國是誰其

繼者惟張融侍御赴蘇未返直聲先後動海內辭章學行元

融言事辭官

相通天涯楚越忽相遇神劍妙合延津龍勿嗟玉堂在  
天上豈有明鏡塵長蒙殘冬凜冽萬木槁凋傲不到南  
山松

今皇獻歲大親政首明四目達四聰一麾出守踰十稔  
朝天車馬空恩恩郵程冰雪春和映王臣蹇蹇匪爲  
躬丹墀陳策九叩首盜賊未息閭閻窮移風易俗自上  
始補救有術言非空荐賢報國豈私黨進退不媿師門  
忠使車南下經潁尾歐蘇舊跡今游重廉訪前署廬鳳巡道

慰農山長東坡生日歸自蘇滬晚不及與會明日

以詩來謝次韵奉酬

清晨讀君詩明淨月照雪中挾江聲海氣來持獻坡仙

詩存六

无

亦呼絕固知胸次玉壺冰欲與梅花鬪清冽想見揮毫  
得意時落紙如飛腕不歇朔風幾日寒颼颼圍爐小集  
同詢謀借題荐芷稍破例牽率諸君相唱酬眾山嚙嚙  
傲白頭展眺足勝騎驢游坐無車公乃闕事著屐且喜  
來羊求平生坦率不解愁明年東還將息暇肯效屈子  
徒離憂故山猿鶴招舊儔季鷹自憶鱸膾去豈慮穆生  
爲楚囚折揚皇華續蔡謠我以解嘲君信不來詩有見慰語故荅之

再省前韵送孫廉訪赴皖

爰居止魯偶避風黃鶴一笑青雲中海邊若士捲龜殼  
把臂忽遇浮丘公憶昔相逢皖伯國蹤跡雖異襟期同

是時元老正專鉞大雪待奏平淮功書生束手無武略  
蟄庵共荐蘇髯翁江山雪月夜奇絕有作各自鳴私衷  
十年以來屢沿例歲月磨我成衰癯朋舊互離合  
遠或間隔天西東公來白下再聚首漸聲壑回春融  
讀書臺邊角險韻台城左爲郭文舉讀書臺故址云往往徑絕風雲通  
用行舍藏天所命丈夫何者爲蛇龍公登廊廟爲稷禹  
我將甫里尋龜蒙空山檣櫟亦千載頗復自比徂徠松  
所叨牙曠有深契恥與俗耳爭聾聰惜哉良會別太易  
五年握手猶惻惻遺憂身後賴公等元侯盡瘁先鞠躬  
徵清有日酬素志滋恐責備來無窮卽今驂驅備閑廐  
勿謂冀北羣眞空迂儒於世百無用以言爲贈庸非忠

詩存六

三

鷓鴣一枝吾已足遙看扶搖天九重

香山生日李佛生太守傳蒞春孩子密叔起季梅

恭甫端甫同集飛霞閣次季梅韵

嗟衰歎老千絲髮感昔懷今一酒卮未信先生眞曠達  
可憐傳世僅文詞披襟共愜新知樂佛生春咳叔起開皆初預此會  
卷同尋古調詩時以長慶集供几筵聞長似月泉吟社麼登盤荐

韭玉梅時

酬佛生元韵

公卿都綏次公狂薄宦何如執戟郎勸飲好爲無算爵  
忘憂不用療貧方揮毫對客君雙絕率意言情我一長  
莫使纖塵犯胸臆百城南面是金湯君藏書甚富

同治丙寅春陔侍御游吳門得石甚奇輒載以自

隨舟師頗腹誹乃置之金山中冷泉側近年每

湖時可步越七年再訪之已有好事者升之妙

至石解山高臺喜其得所為石緣圖作詩索和率應兩絕

句

逸事吳門比鬱林長年訕笑載兼金啞然喜捨盤陀側

要借雲濤鍊石心

江北江南訪舊游坡公玉帶記前畱登臺說法石方丈

無數青山盡點頭

憶金華子雜編記宋末士人有題職官簿後一絕

云西風瑟瑟樹蕭蕭小人家短短橋獨倚闌

詩存六

千數鵝鴨一聲孤鶴在雲霄予謂此士人欲求

為鵝鴨而不得者也倚闌而數何為哉戲占一

絕

闌干獨倚寄清吟已有池塘照影心孤鶴雲霄自來往

幾曾偷眼效凡禽

曾文正公生日奉邀劉治卿觀察佐禹薛慰農山

長張春陔侍御子密守齋莘農佛生端甫容齋

集飛霞閣荐芷即以畱別侍御作詩贈行山長

繼之次韵奉酬

醅然夏雨與春風到處時和歲定豐始信神人生有自

即今父老感無窮是日金陵紳士商賈並詣專祠祭拜力持綱領寬微緝

總攬賢才任異同我是樊籬閒鷄雀十年蹤跡溷鴈鴻  
樽前凝眺不勝愁心與長江日夜流夕照銜山連旱氣  
緜霜淒野入殘秋菁華已竭昏遙望筋力全衰嬾近游  
壓擔新書誇暴富百城歸去比封畱

意未盡再沓前韵

退飛六鷁不關風毛羽天邊幾輩豐壯已輸人何乃老  
達難兼善且安窮盛衰世事渾無定去住心情或兩同  
三載因循今始遂五噫非敢效梁鴻  
酒徒相聚莫言愁出處須爭第一流盡此餘懽剛半日  
相期努力各千秋湖中自昔聞龍見臺上何時覩鳳游  
慙媿侯門老賓客辦香臨別更淹畱

詩存六

次韵賈雲階明經履上

三

強臺幾輩快先登卅載榮枯感谷陵窮卽多艱身尙在  
老猶羈旅客何能龍頭有待期終屬驥子高才況代興  
令子襄領咸豐已未鄉薦悵我齊年衰已甚君與予同庚更無人續讀書

燈

端甫用春陔侍御詩韵見懷三沓韵酬之

淵源二石有宗風

君文章學問以嘉興錢衍石給諫警石學博爲宗兩先生人稱之爲二石

枝葉先求本幹豐疴疾在身能自藥

君宿患痰疾發則每自治之殘

書可讀未憂窮

藏書甚富亂後多散失

八年聚處真相契一字疑

難不苟同此別鄉居憐我老艸堂曾訂訪盧鴻

悵望停雲我亦愁從來涇渭豈同流關雎盈耳懷師摯

鴻鵠馳心柰奔秋書卷生涯惟寂寞酒柸滋味且優游  
君嘗有對酒悽惶淚觀書寂寞心句殘寒憶薦坡公否歲歲題詩壁尙畱

四沓韵訓子密

南陔孝養守家風盛德端宜會報豐入幕有遺安石笑  
詠懷非爲嗣宗窮雲天高誼崇朝別文酒豪情十載同  
共此飛霞畱爪跡雪泥它日話孤鴻  
殘碁一局代人愁直瀆偏多曲水流我似胃中曾度夏  
君知皮裡有陽秋賢王醴酒原虛設名士衣冠總情游  
珍重尺書招致意殷勤猶勸子嗟畱

偶成

賃屋三椽遠市塵過從且喜弟兄親餘年消遣贏千卷

詩存六

壹

故舊凋零賸幾人已見羣生重樂業仍憂敝俗未還醇  
風聲聽說神明宰桑下行看有雉馴邑宰秀水金君若人明察勤政

題張飴香徵士承頤敦夙堂集二首

丈夫不得志低首作詩人華髮年年墮浮雲事事新  
言馴悍虜小試活鄉鄰莫道冰霜際吟懷自好春

卻聘非高隱違心始遠游名山書味古歸路夢魂愁  
嬴豈無子奮奮終有秋韓文傳李漢此卷鎮長畱集爲其婿

葛士濬所編

東坡生日供以香花雜果庭宇寂然忽趙君芸伯

焯慶以詩見投次韵畱之

山閣年年酒一尊自乙丑以後皆聯吟聊樂舊交敦歸

來始覺離羣苦歲暮誰違故事論靜供香花當古佛喜  
無車馬擾閒門冶城高處春應早今夕紅梅入夢魂

通材祇識利名尊子獨詩書夙好敦三代交游懷往昔

予昔與體原大令過從君之嗣祖也又與君翁君復  
及從兄序甫相識而序甫從弟星甫爲同年交尤篤廿

年興廢厭評論天荒自笑開窮壤吾里從未有風雅還

知屬盛門自君曾祖光祿公佳句輸君偏首唱一甌花

乳荐詩魂

慰老寄示雪後登飛霞閣用前韵見懷詩五香韵

奉酬  
快雪寒增五日風明年稔黍預期豐一時笠屐登高處  
千里雲山望眼窮瑤想瓊思今地隔酒栢詩句往常同

詩存六

香

乘船訪戴情何減多感飛箋寄朔鴻

最難行路古今愁勇退公能在急流章句不妨宗子夏

元經何必擬春秋惜花心任旁人笑挂杖錢充近局游

君有百錢挂杖欲約西泠尋舊夢聽鶯隄畔弔婁囑

圖嘗以屬題

舒菴室詩存七

南滙張文虎孟彪

上元前一日宿雨初霽雲階過訪滬寓見示沓登

字韵詩再沓韵奉酬

瀛洲不羨眾仙登家近桃源比武陵居在城西南桃花最盛對景

增懷閒自寫尋山問水健猶能關心文獻諄諄語拭目

賢才續續興君董理蕊珠龍門兩院事春好新詩偏惜別明朝孤負

上元燈日期明赴邵

是日劉融齋宮允熙載招同雲階及張子剛少尹

飲也是園梅花盛開言論甚洽三沓前韵

聲價龍門許共登宮允主講龍門書院豈同黨議樹甘陵芳情雪

詩存七

滌梅花笑高論風生酒力能池館園林還舊觀文章志

節要俱興中天鏡徹元宵月奏疏傳聞諫買燈邸報有沈侍御

准諫修圓明園事

端甫寄示東坡生日集飛霞閣見懷用聚星堂韵

詩沓韵奉酬

人生遇合如萍葉鴻爪東西印泥雪客塵念念溯前游

補似拗蓮絲未絕頻年山閣薦紅梅捧手坡仙同磬折

登高極目望鍾阜但見海雲明且滅索居閉戶誰與語

且喜閒身無曳掣客從何來雙鯉魚中有新詩文錦纈

直把飛霞作聚星白戰聯翩散瓊屑亦知此樂興不淺

末書云庶知此間興復不無奈年華去飄瞥目昏耳聾

何所爲空谷遐心吾敢說感君遺我照乘珠何以報之  
一鼓鐵

又和晉韵寄懷勤西廉訪

桐城文派今幾葉餘事詩篇似迴雪驚鴻游龍出腕底  
落紙雲烟并三絕高文大冊海內外曾文正公贈聯句元老當

時亦心折唱酬詩卷壁閒留不與飛霞共磨滅殘冬飲

饑憶前年碧海鯨魚共君掣端公好古今耽詩端甫不甚作詩

近乃類醉裡揮豪眼生纈唐衢歌哭解者稀押險攻強

非所屑致師晚伯兼感懷君寄詩勗老益將挑敵相見嫌疏別嫌

瞥鄙人亦在海一隅漫託樵風效匡說大江南北千百

里鼎足聯吟韵金鐵

詩存七

二

又和飛霞閣梅樹著花甚少三胥前韵寄懷

老年作客如病葉那似梅花耐霜雪謂梅因我作花稀

一笑令我冠纓絕藤蔓牽纏蛾育子毒手橫斜亂攀折

枝柯雖在神已離香之返生憑起滅昔者我友徙梅龍

善泉君護念常虞夜飛掣是年未臘先作花粲似明霞爛

如纈其中玉立兩三株俯視天紅意不屑我何功矣安

受成七載看花電一瞥沈吟詩句笑復悲培植孤芳信

難說深山古榦世誰知萬朵寒香根屈鐵

錢子馨司馬培蓀遷居郡城東郭外頗有園林之

勝予請名其園曰復園其堂曰謝華啟秀之堂

紀之以詩

小園東郭外三徑未全荒  
久雨曲江滿迴風晴雪香  
花梅

長盛綢繆新牖戶培植舊松篁  
猶記山亭上當年醉十觴  
本青浦陸氏別業道光已酉陸君雪亭嘗招同君先尊鼎卿學博飲此亭

不遠无祇悔天心漸轉移  
一陽終見復七日豈愆期  
夕秀今方啟朝華昔已披  
芳菲信堪賞更請廣桐椅

訪張燮庵司馬家鼎卽贈

五年不相見須髮亦蒼然  
藥裏婦多病楹書孫可傳  
怡情詩自賞待客榻常懸  
比屋鄰容借將求下溼田

張玉珊大令鳴珂校經圖

武陵山水鍾英靈三窺中  
祕游西冷道光乙未已亥庚子嘗三詣西湖詰經精舍儀徵

詩存七

阮文達公撫浙時所置也甲辰夏謁公揚州拳拳問狀  
一從寇軌遽蹂躪湖山勝

跡遭蝗螟鄰架圖書共煨燼  
百一偶免多凋零大風西來  
埽穢腥膏沐不改羣山青  
廣招賢俊授鉛槧詳校典

籍開沈冥七經義疏秉謨訓  
互若河嶽昭日星禾

興宿學我宗老戎幕飛書筆  
不停揭來賓館理舊業駟

通漢宋無畦町烟霞盪胸蠹  
簡活水月濯魄塵勞醒君  
身正在圖畫裡還倩妙墨圖  
真形聯珠編玉紛滿卷更

試瓦礫滄瓏玲十年白下鑽  
故紙汲古自恨羸其瓶題

詩三歎重憶昔六橋墜夢雲冥冥

龔鼇峰廣文源達讀書松桂林圖時錢子馨招子住復園消夏

首夏已炎熱避暑居復園長  
風來古松叢桂枝連蜷披

襟坐亭上執卷無塵煩龔君示我讀書圖恍然置我圖  
中間讀書之樂隨所省要使心追古人境譬如松桂各  
自佳勁節清香在人領雲間之龔渤海孫方川諫全山  
剛兩弟昆至今流澤俾令門冬榮後凋此兩根我交齧  
峰與秀峰同讀父書稍異蹤秀公峻潔君豪雄潔者是  
桂豪者松而我擁書游息斯園中何不賞奇析疑日日  
來過從

小住鐵花僊館燮庵有作次韵奉訓

借榻幽居避俗塵蕭然無著與天親合離蹤跡幾風雨  
脫略形骸誰主賓衰朽相看成老物知交回數總陳人  
樽前且莫論榮悴劫外猶存現在身

詩存七

四

有懷飛霞閣寄端甫

秋風無恙芰荷衣極目江城有夢飛梁燕已孤殘壘冷  
屋烏猶是丈人非研桑計算情彌苦洛蜀爭持跡本微  
聞道秦淮燈月夜昔年楊柳又依依

蔣卓如過訪示小園還舊圖自記屬題率賦二律

滬江同避難一別一星周羨子家園復藩籬漸已修樵  
蘇生計儉書畫寄情幽悵我歸來晚枝栖尙待謀

復觀承平樂甯如宿昔時創深餘痛在事往寸心知但  
願銷兵革無爲感鬢絲空庭花木盡且喜茁靈芝

顧生

深

尙之長子也當辛酉避難時失其弟數年

消息杳然作圖寄意乞題

千載原鴝痛雲羅何處飛父書誰其讀天道豈真非世  
路干戈息故鄉桑梓稀薄裘騎瘦馬此圖如辛苦夢中歸

孟秋之月歸自南塘吉仙女史書來竝沓舊韵二  
章見寄賦此答之

得避炎威便小畱南塘歸櫂又涼秋應門早已無豚犬

負輓依然作馬牛疑游浙西為奉南志局所扼不得往四韵頻煩來錦字

雙聲唱和羨鍼樓吉仙適丁慈水明經有雙聲閣唱和集遙知對景思親

際添畫顰蛾一點愁欲歸甯未果

三復雞鳴鄭風女雞鳴雉雉詩箴規真信女中師琢磨能受

誠良玉習染全除保素絲自古微文皆有託向人說夢

柰先癡靜看白日堂堂去秉燭餘光我媿遲

詩存七 五

蜀省新建尊經書院制軍吳公棠奏開書局以

張香濤學使之洞言介李制軍宗義書來欲屬

予此席辭之而副以詩

昔歲書招遊晉塞自慙蒲柳已先秋同治入年李公撫晉以書見招制軍

馬端敏公坡閣久之乃以見語虎曰柰而今蜀道青天老何端敏曰然已屬幕中為君辭之矣

上歷井捫參柰遠游

少慕儒林學未成誤蒙卿相采虛聲頭顱七十經荒久

孤負文翁化蜀情

次韵訓篠峰四首

木以不材老言歸好寄閒欲尋雲外約重訪浙西山春

水船頻滯秋風菊又斑虛名挂塵網此願柰偏慳金大令

邑志總纂堅屬辭不獲命奉  
邑諸君遂亦以志彙屬定

我痛宗支絕君愁濟美難苦心勤著述轉眼付叢殘盡  
道書何補誰言字可餐鸞鳩已不易休更問鵬搏

獮獺從相笑夔蛇各自憐艱難遭世故奔走惜華年經  
濟儒官屈詩餘眾口傳古稀猶健在一事足欣然

橫溪堪卻暑變庵所居橫溪  
去君居二里所顧我論文章近彙時相質  
嘉肴遠送將興來疏禮法醉不在壺觴萬事浮雲過榮

名亦可忘

明烈皇時崑山胡副貢甲桂數召對偁旨將大用

格吏議授南昌判屢署新豐諸縣有政聲及攝  
守事獻賊來犯拒卻之擢廣信丞拒賊力縋死

詩存七

六

其弟季桂子孫天彥毀家守崑山與妻子

俱殉難當副貢至南昌時同里王平仲志元作  
序送之平仲子字亦繪圖贈行裔孫鳳章合裝

為卷乞題

良玉出崑山圭璋本特達屢領天子頤乃以吏議闕一

官落楚西知已為蹙頰丈夫矢忠義會使邦國活此文  
與此圖快然懷抱豁丞掾雖閒官民困同慘怛攝事歷

花封頌聲已咄咄恃我成城志狂寇詎能拔奈何天命  
乖事去不可幹闔門殉桑梓壯氣連閩闔垂裕及孫枝

清風繼簪黻後嗣多以孝行  
仕績著志乘猗與邦之彥奮身當艱危

城凶則與凶祖德實貽厥鳳章父樹蘭嘗以學行受知  
林文忠公咸豐十年奉撫軍

嶽領崑邑團才難不其然時會每相刺撫卷重吁噉仰  
防城破殉難  
止在來哲

蘇文忠生日招王泖秋珠樹俞念卿豐翼于充甫

爾大禮尊惟激集舒蕻室荐芷俞君詩先期至

是日王君來獨後攜所折梅花一枝爲供及出

所作詩則用聚星堂雪韵也乃約兩于君共效

之而予詩顧後成聊以紀良會耳

刻玉何時成楮葉陳后山謂秦少游詩如刻強以巴人

歌白雪歸來兩度荐蘇公回首飛霞感不絕王君雅步

偏何遲老圃南枝特親折鄉園小集故人稀舊夢重尋

泡影滅漁溪詩叟思獨敏滄海驪眠手先掣誰知聚星

詩存七

七

堂上客出袖明珠光采纈竹林二阮皆妙才欬唾隨風

成玉屑縱筆從驚意興豪清談不覺斜陽瞥嗟我心源

今廢井拈句登壇無法說只應笑倒眉山翁鑄錯甯須

幾州鐵

二十日聞葉雲巖鎮軍之訃不勝愴然再沓前韵

昔年吾友鍾與葉鍾西白守備昔蟄庵荐蘇同踏雪亥

之荐集周縵雲侍而與雲巖同居今僂指一星終大樹飄零愴欲絕

輔車相依老兄弟鍾葉本表戚同官奉職分馳雁行折

鍾君盡瘁三江營西白補三江營守備形影雖凶神不

滅葉君一官羈海上雲巖以總兵借夙夜勤勞肘頻掣

去冬相見氣蕭瑟兩足蹒跚面增纈區區雞肋猶失之

非不可留心豈肩去臘調任儀徵封侯秉鉞意中事蒼狗白衣  
爭一瞥遺愛猶存部曲心忠忱空聽同僚說武臣惜命  
亦愛錢人間難得錚錚鐵

唐杜甫寄示蘇公生日集李佛生太守齋用和秦  
太虛梅花詩韵見懷依韵謝之

唐子神完貌如槁每遇良朋輒傾倒李公境迫心自寬  
肯以貪求易煩惱道藏常清靜經云既生貪求即是煩惱嗟我離居今兩  
載李鷹敢說知機早相思正比大江深遣悶無如酌酒  
好窮年不廢冷生涯落葉堆門爲客埽隱然南北八百  
里八九閒人拜坡老殘雪猶封亭角梅問飛霞閣梅更衰於去歲餘  
霜不折階前草冬來松屬雪甚微且氣候如春忽驚天際

詩存七

八

六龍迴極日煩冤望蒼昊

葉東軒明經爲章

以其先世中翰公鳳毛所集藹

園員外芳六旬壽詩冊屬題

竹林徵雅事中翰乃員外從子

遺冊湖潛郎僚采馳詩句巖泉

介壽觴傳家本忠孝員外忠節公映樞子

名世盛文章珍重醅

意此冊暫失由錢唐周茂才來歸縣縣奕葉光

題王子旭學博蓉生羅浮夢傳奇

合離風雨幾悲懼任把情場作戲看莫遣劉郎重采藥

桃花無影墓門寒

身後身前總惘然憑空特爲補情天賺人一片三生石

紫玉魂來又化烟

駿骨千金價未多明珠百斛託歸波蓬萊水淺青山老  
只有貞心死不磨

福星歎

福星者上海招商局輪船名也光緒元年海運  
至黑洋遭夷艘衝壞官紳溺死數十人姚浚源

與昂

人心那比海程寬到此休歌行路難可歎福星成禍水  
冤魂無數哭狂瀾

與子馨同赴重固道中卽事

朝出通波門言循顧會浦東風吹船尾適與人意撫九  
峰如故人參差展眉嫵當時轉戰區此地成焦土雲山

詩存七

九

信未移林木誰爲補沈吟懷往哲蹤跡忽以古

何君古心居簞

山下世碧水漾微瀾何從采芳杜

道光丁酉從外舅堅香先生訪何丈書田於重固

今三十九年矣予與鴻舫訂交亦已二十餘年  
至是重來回溯前游不勝慨然

卅九年來逝水流紀羣交誼溯前游當時山抹微雲塔

重上君堂已白頭

鴻舫訪予復園篠峰適至酌酒話雨篠峰有詩屬

和次元韵

咫尺披雲望谷陽

披雲者郡城東門也錢氏別墅舊在城西谷陽門外爲向來燕集之地者

追維往事引杯長幾人來話黃梅雨此地何如綠

野堂

宋錢惟演綠野草堂在杭州錢唐門外 野堂後為昭慶寺地子馨嘗筮住浙江故云 野客醉能

歌水調而與會如昔 詩翁老尚健 辭章江鄉復覩承

孤館

孤館漏方寂 夢餘詩思賒 屋聲風落柿 牕影月移花 此夜亦可惜 吾知豈有涯 起來重展卷 遠樹已嘯鴉

臥病復園 忽忽逾月 比日小瘥 自述二律

小極無端一月更 倉單枉自累門生 胃納甚微 身同病柳風

荷弱夢逐孤猿野 鶴行承祀已先三 不孝讀書依舊百

無成淹淹在世真 疣贅珍重參苓強 與撐 子馨日進參朮之屬

此身久已誓江流 咸豐辛酉之難預計急則自溺幸未及賊 十五年生總一

詩存七

浮死豈關心 惟畏病方原 對證幾能瘳 最難客舍如家

舍不盡鄉愁 復遠愁 我鄉詩吉貝今以潦壞禾亦歉收又聞金陵倉巷失火頗懷莊守齋

展卷數行渾未了 忽來蝴蝶引莊周

子馨招周叔米 文禾 張篠峰何鴻舫陳同叔 升 顧

秋巖 霽 沈菊泉 霖溥 同集復園

湖上歸來宦興闌 蓴鱸鄉裏足盤桓 平生師友論交切

算齒功名厭志難 菊泉新捷鄉闈年五十有七矣 秋入園林花氣爽 話

關身世酒杯寬 踏筵幾許紅裙舞 得似良辰叙古懽

次韵訓鴻舫

壯往憶當年而今已嗒然 且藏醫國手還作在山泉 十

笏容蝸寄千豪 埽麝烟箕裘能濟美 彙傳定成編 君嘗欲輯

古今醫  
人傳

虺隤吾竟老，悵子逾親敦。勉無窮意，維持現在身。未妨蹤跡異，所喜性情真。忽憶黃墟飲，臨觴涕泗頻。謂小田

冬日與子充甫馬健齋元德兩學博王藹儒文學

履階同住南城志局即事

久客疏鄉邑，歸來已白頭。吳天到海盡，越水入江流。南

諸水皆由浙來賦減民仍瘠，同治二年曾文正公與今伯相合觀公奏請減江蘇浮糧，兵

餘俗更媮，廿年文獻沒，往事費徵求。

分占東西屋，何嫌上下牀。參稽兼案吏，謁候雜牙郎。飽

雀頻穿屋，局設積穀倉寒花尚傲霜。偏隅無勝蹟，懷古話香

光。城西南隅香光樓傳為董文敏讀書處

詩存七

丙子元旦是日大雪奇寒

釀雪經旬雪影稀，六花畱待歲朝飛。年豐人壽靈臺報

東北風宜有篇章奏紫微

兄弟消寒付一樽，三人今祇兩人存。季弟以去冬病沒中年早

世嗟予季酒入深杯化淚痕

年年循例祝蘇仙，去臘偏緣世故牽。一十五回逢丙子

是歲上距宋仁宗景祐丙子凡八百四十一年可知公壽過彭篋

青村城即奉賢邑治

真有山林意，平蕪一望青城疑。岡阜禿亂後雉堞盡禿風挾海

潮腥籬落成，街市烟霞痼性靈。城中人大半吸鴉片南城已荒索

此邑更凋零

題費廉卿壽康為母夫人繪秋鐙課子圖

一鐙熒熒細于粟  
牖紙篩風冷入屋  
中有九熊畫荻人  
雙鳳嘔啞夜猶讀  
費君示我課子圖  
為訴髫年如在目  
皎月當天節母心  
寒蛩四壁孤兒哭  
呼嗟孤兒良可悲  
事母如父兼如師  
榮羹菽水此日事  
五鼎三牲彼一時  
飢驅四方情憫恻  
做籠重開卷猶好  
回首篝鐙授字初  
白雲何處慈顏老  
寸草春暉願竟虛  
廿年風樹痛臯魚  
對牀聽雨重增感  
短檠今誰共讀書  
哲兄廉生逝世

復園消夏雜書

密葉重陰兩碧梧  
繡花如雨滿池鋪  
飛來小鳥疑么鳳

失笑誰知是翠奴  
有魚何飛入屋

詩存七

三

一自輪船海步通  
嘗新每見荔枝紅  
莫貪飽啖忘消渴

正恐江珧易發風  
坡公以荔枝比江珧柱

隔水田腔響水車  
起來散步曉涼賒  
傾盤葉葉翻珠露

新放珧荷一兩花

聞粵章江水橫  
流津門亢旱恐無秋  
誰將五月天山雪

吹入熏風到莫州  
京師書來言五月十三日保定大雪

老人生角婦生髭  
氣血乖違古有之  
去歲吾里有六十八人頭生角近華

邑得勝渡老婦生須按漢書五行志景帝二年九月膠東下密人年七十餘生角角有毛又唐李光弼母有須

數寸長不信牛哀  
真化虎鸕雛竟忍作梟鴟

異事紛傳眾口同  
吹毛處處剪刀風  
入夏以來諱傳包

女子髻按明陸容技園雜記載江西一遊士善異術按察某副使獨不信術士翦紙為二刀交舞於前撲其面

副使以袖拂之雙眉已削  
蓋妖術有之不盡無因  
潛消妖矣須良吏不盡嚴刑  
密捕中

儒冠武弁異齊民  
挾刃偏同盜賊倫  
薄示蒲鞭賢令尹

更休怙惡累仁人  
有曾與童子試者持刀劫殺人又有武弁夜行劫拒捕傷事主有司皆杖

而釋之

傳舍非無香火情  
身家念切撫民輕  
去思他日遺恩在

豺虎山林感放生

今年閏夏愁多暑不道涼風日日晴  
一霎廉纖過雲雨

蕭蕭先已作秋聲

吸露吟風得氣清  
廿年似我耳中聲  
自成豐乙卯秋起常患耳鳴承

蝸童子持竿何多事  
枝頭盡日鳴

詩存七

秋夜

三

薄寒生枕簟  
寂寂夜方中  
夢影半牖月  
秋心滿院蟲  
卜

居疑未定懷舊感無窮  
時聞唐端甫之訃差幸今年健無須山

鞠藭

哭端甫六首

脩短誰司柄  
乾坤太不仁  
唐君今止此  
吾道失斯人  
鬱

鬱平生志悠悠  
作客身十年  
叨末契何處問  
前因

家有中人產楹餘  
萬卷書兔園  
憎俗學蛙井  
破拘虛愛

讀醉鄉記常承長者車  
何來赤肩賊  
遂燬子雲居

避亂輕航海  
言旋復渡江  
高材雖累百  
博覽自無雙  
奧

義納金匱  
同校史記清談倒玉缸  
智衰兼怯飲  
屢受老

夫降

為人真蘊藉大有晉賢風好古仍無執知今亦善通吟  
心多刻苦佛理異頑空聲價龍門重量才自不同君為山長

李小湖延  
尉所激賞

判襪難為別離居意更殷榛蕪偏好我梨棗恐警君拙

隨筆君初勸授梓予不應  
及予離局君遂付手民

地有山川隔聲隨旦夕聞函

書無缺月字字化愁雲

宿疾聞差減新瘥好自培五月中書來言舊恙稀 答書

方寄去凶問忽飛來劉恭甫來計 婚嫁憂兒女門閭夢草萊

當年高誼在癸酉春同局戴子高病  
沒君千里送其柩回 何日玉棺回

答問客中事

詩存七

西

平生志幽適願結漁樵翁遭亂不自全溷跡隨飛蓬自  
慚麋鹿性何為謁上公良無匡濟策錄錄羣材中秣陵  
十年客仰首天飛鴻歸來故人笑四壁依然空無屋止  
瞻身有書遺蠹蟲君毋問前事老拙盲且聾

悼姚孺人

江湖役役稻梁謀豈為蕭郎愛遠遊貧賤故宜甘淡泊  
疎狂不解戀溫柔家居歲未經三月客裡身常閱數秋  
四十二年飄忽過他時誰更誅黔婁

慙媿而翁品藻殊白頭依舊一窮儒廿年我久為齊贅

半歲卿猶比楚瓊孺人先予 失子早知心已死移居深

悔計偏濡傲居樓面西不 泉途見母應相慰許

字無煩念掌珠

女孫已許字王子勛學博第五子

西牖暑暘病成瘠藥餌何曾肯暫調小別出門纔兩日

過歸視玲已三朝思鄉目極荆榛沒姚氏宅已燼於粵寇避亂魂

飛涕淚遙往事不堪重入夢風寒霜凍况連宵

大雷書斷痛連枝杏土去秋病沒予季云祖亦此時季弟白適暮年

首復乖偕老願詞人例有悼亡詩行年七十原非短暮

景飛騰轉自思哭友連番還哭婦仲春筱峰病故端甫沒於季夏子馨沒於

秋季半生學道未消癡

莫善徵大令

祥芝

署中晤劉開生觀察話舊

零落侯門客乖違又五年衙齋重握手杯酒話當筵保

障今推董善徵今宰上海乘槎別有騫黎蕤齋刺史隨郭筠仙侍郎使英國善徵妹婿

詩存七

五

也君衰吾更老出處媿諸賢

重至復園悼子馨

池館仍依舊斯人安在哉當時憑一哭此日悵重來曲

室蛛絲罨殘泥燕壘摧無情桃與杏宋宋為誰開

孔雀為楊卓庵太守

永杰詠

孔翠來南海斐然副盛名恥隨雞鶩倉志學鳳鸞鳴掉

尾凡禽如憑霄鷲鳥爭金花雖被觸終不掩文明

乙亥丙子兩年竝在復園度夏子馨嘗助予視宅

未就去秋子馨病故家屬皆遷回金山即招予

住復園今夏四月始來賦此為紀

大地一蟲睫行年幾鵲巢子自丁亥至南蕩即以館為家乙未冬為姚氏贅婿凡二

十一年先是張梅生嘗招子同居張堰卜鄰今昔意讓  
別宅及丙辰遷至則梅生先一年死矣  
宅死生交觸目皆增感椎心漫解嘲孤根無寸土何處  
得誅茅

在金陵日多憇懇納妾者劉冶卿觀察勸尤切及

歸里老友朱貢三鎰及宗人張鳳山龔輩復屢

以爲言黃子春太守安謹力持之夏四月倪姬

來歸遂挈居復園漫成一律寄諸君

廿年清夢客塵剛鼎趾頻祝老鰥未必生稊到枯樹

或言養氣見醜顏維摩丈室來天女白傅吟情寄小蠻

一語報君應失笑卽今腰腳比前頑

梧桐爲大風所折述感

詩存七

六

三年五月日丁丑入霉卻在逢庚後異隅忽起顛鷓風  
急雨猛挾蛟與龍復園老樹兩樹桐一樹最高當其衝  
繅花萬萬枝葉叢攪拏力拗悍不從砉然拉折勢已窮  
輶車顛蹄巨毋霸長狄倒地戈誰縱孤根直立屹如鐵  
龍門百尺將毋同雨師退舍風伯馘矯強不屈乃有公  
吾聞此日雹且雪合抱古幹連根拔頃者地動丁亥夜  
盛夏裏絲過半月疾風勁艸桐有之南山松柏汝所師  
陰陽乖舛亦偶爾大節危柯好自持

訓華約漁孟玉

當年丁與李三子竝名馳君與丁時水李花卿齊名博  
有三子之稱今丁李俱沒  
學多才辨今惟華令思文章吾久廢聲聞世方嗤炳燭

光餘幾飛箋感贈詩

七十頭顱矣浮家寄復園營巢憐舊燕嘯侶柰孤獫對  
影琴書寂馴人鳥雀喧披雲如再顧四月間承見訪十日效平

原

行園感賦

秋花紛爛漫秋樹漸彫零惟有鯀蟲亂愁人到處聽

晚泊新場

維舟石筍里閭巷早關門岸窄蟲聲急星稀夜色昏市  
燈稠買藥村屋遞招魂肅殺宜司令秋深氣轉温時頗

壽賈雲階七十

詩存七

七

君七十我齊年當年同補弟子員君與予同歲生又同入學君家阿

干蓉卿司馬亦同道光丙戌入學指君說蒼莽似生西北邊爾時虎氣

正騰上冑作尋常科第想東馬嚴徐未足言臯夔稷契

差堪仰秋風歲歲白下行時命不到迂書生五光十色

見者眩卻讓雛鳳先飛鳴先生投筆成一笑家學淵源

參道妙老來無用敲門磚楊公賴公我同調君精究壯形家言壯

懷不試天圃之澤及鄉里得自持鄉邦文獻勤紀述有

美必錄何所私嗟我齒衰頭已白十年浪作諸侯客與

君栖酒話平生俯仰乾坤徒局脊有子何必尚書郎但

願讀書承義方有家何必金與玉粗布衣裳飽食粟城

南草堂五畝居濁酒可沽菘可菹七十老翁樂有餘莫

向閒人計毀譽

坡公生日招仇竹坪太史炳台郭友松孝廉吳吉

卿震章次柯未沈躍齋祥龍三明經尹子銘署

正蓋意錢義泉中書廉閑頤生上舍萃祥小集

復園

奎光燭牛斗誰云不能神一十五丙子光采長如新文章與氣節後起疇其倫鯁生夙所宗疲驚難自振十年江南北謹言荇蘩蘋同儔既星散予亦思鱸蓴歸來五度臘感此過去因園林雪未銷折簡來嘉賓匪以效角逐素志期相親諸君高世才望古懷千春前身及蘇老何必非晁秦吾友誚肉山談諧豈其真昔小田每況予為張文潛謂體

詩存七

六

肥耳少壯不努力衰老徒逡巡今茲斗酒會含意請各申一任笠屐翁壁上觀醉人石刻笠屐圖在府署有董文敬書自贊陳仲醅題詩前守

人日竹坪招集笏東艸堂卽事

元日到人日杜旬陰寒雨雪兼良辰天意靳嘉會酒腸欣往昔同追憶豐穰冀協占梅花尚酣夢有客獨巡檐吾茸風雅藪今日復承平聚散懷人感興衰望古情陽春應漸轉快雪未成晴借問城南獵何如鬪酒兵

次韵訓竹坪

柏葉樽開集勝流新詩老去愧難訓嶽雲小寄差安夏尋遷復園為春雪頻霏冀有秋高會南皮思往事談兵避暑計耳

北府慨前游主賓豪飲饒清興不羨山陰訪戴舟  
六藝羅胸漱眾芳卅年舊學好重商林泉有意聯翮展  
簪笏無心夢玉堂謝傅棋枰聊自遣陸莊衣鉢未愁荒  
君門下  
頗盛憑君莫話秦山路白髮當時我乍蒼

青村道中

積水平隄岸人家香靄中雞鳴村店寂丐臥佛祠空雨  
草驕新綠晴花炫小紅喜聞蝗種絕麥秀漸芄芄

題黃恂甫

懋安穩歸帆圖

人生禍與福境過隨飄風居安不忘危在莒思無窮烽  
火達越州蹙然甬甸東扁舟泊海嶼金碧搖沖澗洗眼  
雲水光覓句聊從容狂飈忽然至波瀾蕩長空傾覆須

詩存七

九

夷閒仰視嗟蒼穹翩翩兩青鳥似爲神所通孤帆一以  
正捷若乘飛龍回望招寶山一點雲冥濛事往十餘載  
心目猶忡忡同舟六百人幸免馮夷宮憶從粵寇警徧  
地罹兵戎流離塞道路性命輕蒿蓬誰知不兩載豺虎  
皆沙蟲巖寒苦冰雪忽已回春融要當審所由慎勿貪  
天功危哉憂患根正在懼欣中昔賢有垂戒閒暇省厥  
躬披圖一太息命意君宜同

題鐵淚圖

鐵無淚鐵有淚世有鐵心人見圖心亦碎君不見鐵淚  
圖事從豫省傳東吳光緒三年歲丁丑夏秋亢旱山澤  
枯燕齊秦晉悉如此大河南北尤卒瘡飛蝗徧地倉藁

枯葢藏安得有黍稌君勿言黍稌樹皮艸根亦已無父  
棄其子妻別夫走死覓食塞道途道途行乞不得食飢  
腸如焚僵道側縣梁溺水日幾家宛轉殘生面如墨三  
冬不雪春不雨去年無禾今無麥石田從衡餓鬼哭蝗  
種雖孳爾何欲屍骸狼籍瘠無肉與蝗相爭聊賺腹見  
荒州縣八十奇其二十八靡子遺 朝廷開振吳楚助  
救災卹鄰禮亦宜救災卹鄰禮亦宜況爾鄉宦居高資  
梓桑之誼嚮所篤忍使爾眾號且啼烏乎我歌聲酸不  
成語鐵人間之淚如雨

尹子銘

鑿意

屬題其大母黃太君紡績圖

百世畱遺一紡軛要同彝鼎共流傳白頭我更悲風樹

詩存七

辛

回溯篝鐙總惘然  
縷縷棉紗寸寸心與兒同此惜分陰要知勤苦持家意  
不在田廬不在金

縣長福壽女懷清幾輩孫曾善守成常有讀書佳子弟  
顯揚何必定公卿

沈慎齋文學

銘

約同志十二人爲書畫以潤筆資

助振竹坪紀以長歌索和賦此誄之

研田雖逢年所穫能幾顆書生飢溺懷施捨一何果欲  
以涓滴水撲彼陸渾火祇恃惻隱端無閒人與我聚沙  
塔可成積少亦致夥障籠誰傾身赫然人之爹孰視同  
巢焚作繭深自裏鄙夫昧丹青書劣腕復跋虛生人間

世自問無一可諸君期利濟此舉非細瑣他時泉出山  
勿負堂皇坐

罌粟吟

豫晉連荒蓋經三載其農人狃罌粟之利往往  
不事五穀一家婦子俱嗜鴉片亢旱久饑卒亦  
無以充糧樹皮艸根無子遺遂致析骸之慘蘇  
松好義者百計恤鄰匍匐往採雲階追咎其失  
作破荒論見眎然江浙之區蓋亦有效尤者可  
畏也因作此篇寄之

波畢花中妖印度人呼為波畢異態凡百變竊彼臭腐力穰盛

每自衒大或如蓋盤罌粟花厚墜之大如牡丹色則如采綯近之鼻

詩存七

三

輒掩望之目欲眩呼罌象其殼名粟實難咽欒城晚氣

衰石鉢謬自研咄咄謝幼槃淖糜充朝膳其性寒且瀟

救荒烏足算何年春恤膠乃列珍奇薦見明朱國禎湧幢小品蠻

夷造毒盡相傳雅片實媽橫盡蒔此隨蔓莖印度古佛國末教今

遂畔因循二百載汨若洪水洊其始紈袴兒濡尾陷冰

竊鄉黨來譏評父兄加責譴既且相忽忘褰裳亦俱濺

儒冠誦詩書平昔頗狷狷無端遽避人染指學背面促

促守錢虜銖黍惜方便一燈膏自煎田屋不復戀上膺

方面尊下洎輿僂賤商賈連農工奚論釵與弁載胥及

僧徒薰修靡不徧狂藥為元霜傾資事烹鍊烟花別成

界鬼彪游泮奐民者邦之本 國用那得羨痛哭黃鴻

臚詩滿

漏卮孰能填積重返竟難禁令徒敷衍捆載出

重洋姦商喜且抃烏乎我國家和氣滿郊甸雨暘偶

愆期歲稔仍時奠莠民窺利藪投耜爭鼓煽棄彼稼穡

甘種毒等藜莧遂令麇鳳囿以育狼與戲貪財卒滅頂

人我同糜爛黍稷成茨棘餓死天不援綵綵囊中米名亦

米囊花何不恣飽饕居然人食人同類恨自割三晉皆雄

區潰敗其一弗死者誠無知生者猶瘡瘡轉粟仗東南

恤鄰勇無倦要知禍所基覆轍勿再玩吾吳雖豐饒此

習久瀰漫比聞理舊章奉行怙欺謾窮鄉地稍僻亦有

連畛畹此非可蓋藏履畝劇易隄涓淮江河其源速

宜斷永當絕根株母使得滋蔓或言市之鱗未免銀所

詩存七

三

換何如款中土聊比衣補綻買刀苦費錢乃令鐵自鍛

不知鍛鐵人將以刀鼓亂吾讀賈生策俯仰深歎惋衰

妲誠豔姿而釀元黃戰寄語勸農司毋遺蒼癯患

竹坪太史約爲消寒之集大風不得往以詩見懷

有主盟老將之語戲酬一律並示諸同人

閉關猶自怵風聲老去廉頗枉盛名矢未加遺先避敵

書纔布告又渝盟周旋暫請紆三舍收合徐圖竭一成

壁上君旗鼓建祇勞添築受降城

送朱貢三歸休甯

我讀佛氏書愛其說因緣因緣之所轉不自知其然磁

石引鍼珀拾芥一氣和合隨所牽我識朱桃椎忽忽二

十年憶當咸豐末避寇浦江邊邂逅如故知下榻欣相  
延從此來往孰賓至如歸焉是時我友黃萍軒田小亦以  
逃難來此間三人日聚首胸臆各自宣有時論時事恨  
未先著祖生鞭有時論姦諛拔劍便欲披其肝偶然觸  
興弄詩句曼聲長哦五七言不向時人通唱和不與俗  
眼爭嗤妍自我赴皖軍別意常拳拳一月三致書千里  
之隔如駢隣丙寅之春重至滬萍叟健在猶依前君雖  
不飲聊破戒三爵或亦勦勉旃如我三人無營復無慮  
莫可得壽如彭篋明冬萍叟忽化去若非成佛應生天  
十餘年來與君成二老羅浮兩山不以風雨爲變遷君  
言江城久客今已耄正似舍己芸人田黃山白嶽故園

詩存七

三

在將欲歸省墳墓祠宗先先生孝友才且賢敦交義重  
無詐諉畱君不能惜君去勸君暫去毋流連錢唐江水  
清且漣子陵臺畔謁釣仙齊雲山高雲渺絲我心飛上  
齊雲顛看君騎驪山下過金尊一醉斗十千天親無著  
老兄弟送君歸去明歲邀君旋

晚步卽事

奔雲西北至欲斷時還連暝色合胸膈歸鳥皆翩翩疾  
風何處來埽此青蒼天陽光忽穿漏正在長松顛園亭  
遂晴朗眾綠爭芳妍俛仰晦明理變化須臾閒翱翔步  
中庭意得方悠然

園居雜興

南俞塘水久蹏落咫尺池亭寄賞心  
百事無聞真樂國  
一枝可借卽深林  
夢遊每入桃源記  
世遠誰爲梁父吟  
陶令無弦挂壁而吾挂壁并無琴

少年不學負居諸  
老去光陰炳燭餘  
敢以鈍根參佛道  
漫圖博物攷蟲魚  
小胸風暖鳥求友  
深院日長人著書  
消遣閒情聊耳耳  
榮名壽世兩皆虛

也無煩惱也無懼  
一得差羸是達觀  
桃李陰濃花富貴  
琅玕聲靜竹平安  
客來相對忘酬應  
酒至無心別苦酸  
向晚忽聞童豎報  
當頭又見月團團

白頭賸得幾絲絲  
晨夕行園有所思  
日色愛看斜照後  
花香好在欲開時  
長松繞屋有聲畫  
碧草滿庭無字詩

詩存七

音

春夏秋冬頻變換  
此翁昏眊不曾知

次韵詔周纒老

寡欲輕榮利如君  
實偉長

曾文正公見贈有寡欲差同徐偉長句然非所敢承如君

淡泊明志殆近之

功名謝申甫  
詩派比秦黃

門下士

別夢猶

陽朔

道光開督學廣西

羣才自玉堂  
遙知秋後月未冑  
鬪星芒

有約聯遊展湖山  
許共尋一時牽世故  
七載負初心舊

侶浮雲散敦交道  
味深惟應盧仲甫  
榷梓已成林

兩郡書院

偶成

久潦偏驚小暑雷

俗諺小暑一雷雷倒轉作黃梅

章江粵嶺已聞災

近報

重衾擁絮方憂米

諺云六月蓋被田中無米

急雨敲胸又入梅  
豐歉

循環天有意安危大局世多才風香一縉荷花笑笑向  
先生勸酒杯

闕寂

闕寂庭階碧蘚滋一番殘暑又涼颼十年蓬梗清宵夢

萬里輜軒遠道思

曾劬剛襲侯使俄羅斯劉開生黎蕪齋張聽帆使英吉里容純甫使彌利

堅吳子登使佛蘭西徐仲虎使德意志智張魯生使日本

難處始知更事少老來常

恨讀書遲憑闌愛看營巢鵲羨爾投林穩踏枝

荷葉

清到荷花葉亦奇碧莖青蓋擢漣漪珠盤一瀉無畱迹  
風雨撐持未改移

蟬

詩存七

五

秋風數日絕蟬聲殘暑纔蒸忽又鳴知了依然知未了  
炎涼何苦太分明

桂

含香猶未坼隔院已先聞金粟祇園品珠苞月殿芬葉  
繇犀甲健風定麝騰薰人譽庭前樹秋來獨有君

初雪

龍公初試手見睨忽闌刪冬旱亦云久春田母太艱何  
能補地裂聊以破天慳北望同雲重湘軍在海關

寒時曾威毅伯奉旨督軍成山海關甚畏

索笑詞甲

南漚張文虎孟彪

二十年前言長短句者家白石而戶玉田使蘇辛不得爲詞今則俎豆二窗而祧姜張矣鄙人興到涉筆聊以自適不欲與當世作家競有勸十年勿近樂器者笑而謝之同治甲子秋九小畱皖郡錄存舊作凡五十八首

江南柳

楊柳岸初日照篷明春夢覺來聞榜響閒愁如水繞船生殘醉不曾醒披衣坐牖隙曙寒輕燕鴈代飛帆影亂魚蝦喧市浪花腥屈指數歸程

索笑詞甲

宋桑子

杏花樓上簫聲歇重整欵梁細帖鴉黃窄袖蠻衿稱晚妝闌干十二頻扶徧鳥渡銀塘人隔迴廊斜月微風膩海棠

八聲甘州

宋蓮

盪輕橈試上木蘭船低頭裏羅裳乍潮痕暈靨欲歌還怯穿過垂楊摘得青青蓮子偏把苦心嘗不解池邊身底喚鴛鴦爲愛花圍四壁待將船作屋長住中央怕秋風搖落墜粉易飄香算何如波心玉藕任牽連千孔碧絲長歸來夢紫騮嘶去何處銀塘

浣溪沙

寶帳流蘇百結懸倚牀無語黛眉攢無情殘夢覺來寒  
飛絮落花臨別路小橋流水赤闌干闌邊明月昨宵

圓

沁園春

和姚古然丈  
詠鍼線帖

爲覓紅絲數摺翻來微畱爪痕愛殘絨唾罷鏡邊安放  
口香薰徧膝上橫陳粉澹時彈汗霑易潤空白閒描花  
樣新停鍼暇戲簽名署尾小楷偏勻玉纖按帖頻頻  
柰四角研磨漸漸皺更胸前學刺小姑代檢樓頭配色  
鄰女偷掀本異巾箱碑同没字一笑檀郎認未真妝臺  
畔羨還同繡譜長伴鍼神

鷓鴣天

索笑詞甲

二

一枕春酣睡思餘簾前鸚鵡正呼茶桃枝作意窺朱檻  
柳絮無情出茜紗紅蠟暗曲屏遮小樓今夕又寒些  
模糊斷夢尋無跡蕉萃東風怨落花

水龍吟

友人自揚州回以  
月下聽簫圖索題

二分明月揚州畫橋盡處紅樓倚紫雲吹裂蕩波成碧  
與秋無際雀髻低垂唾香乍試依稀簾底更誰知有箇  
迴闌招徧人人在玉壺裏漫問竹西佳麗嫋餘音豔  
情遙寄鶯花三月錦城不夜萬家羅綺弱柳迷春飛瓊  
碎夢暗塵流水喚冰蟾共聽隋宮舊怨又歌聲起

高陽臺

平湖德藏寺後有竹庵故址宋禪可觀號  
宜翁者於此構山月亭松風臺以供遊憩  
僧戒行精嚴著述綏富謂其弟子曰吾茶毗當  
以三無日謂無事無風無雨也及坐化果然有

自製瑜銘元人刻於石在寺西北隅寺僧偈爲開山祖云

山月長新松風無恙亭臺散入荒烟一片荆榛那邊廢  
井積垣停舟訪古斜陽裡破秋痕碧蘚如錢賸蕭蕭白  
髮閒僧爲說當年結廬栖隱誰初祖悵宜翁老去片  
石徒傳鶴唳山空閒雲不滯人閒靈臺自照平生影怕  
紅塵未省眞禪趁三無憑弔香龕晚磬聲寒

摸魚兒

晚眺

界晴湖平分秋色一虹橫跨隄畔瘦筇扶徧孤山路路  
向斷橋邊斷仍不斷趁面面鷗波曲曲垂楊岸屏風宛  
轉漸一片斜陽照黃妃捨驀地四山遠疎烟裡何處  
酒船歸緩西風零落歌扇石闌坐愛波心月月影玲瓏

索笑詞甲

三

剛半清可澣便數盡游魚也只無人管濃春待換約明  
歲重遊弓弓鞵印來數踏青伴

醉太平

蘇小墓

幽闌露零同心繫盟春風柳帶青青效纖腰舞輕荒  
墳艸平青驄自行年年松柏西陵作風聲雨聲

梅花引

放鶴亭

闌蒿萊野雲堆落落孤亭面水隈鶴飛來鶴飛來風去  
雨還青田安在哉亭荒人遠湖烟碧山空寒早梅花  
白莫遲開莫遲開疎影暗香先生騎鶴歸

生查子

題錢鱸香人隨春去圖

無計更畱春且作畱人計春盡雨聲中人老東風裡

不畫送春人但畫傷春意不是畫傷春直是傷春淚

高陽臺

過滕縣

霧鎖連山雲迷曠野馬蹏過處蕭蕭木落林寒營三筆  
意誰描清流一片平沙澗儘征輪細碾瓊瑤望朱扉石  
碣深嵌土屋周遭疆鄰齊楚爭雄據甚離宮別館回  
首烟郊輸與賢君依然廟會城坳彈丸壤地遺民苦儉  
妝梳古俗非遙轉牆陰隘巷荒涼看度聯鑣

蝶戀花

京師客夜

月滿胸前風滿樹土匠寒衾夢蘊聞人絮翻餅無眠增  
別緒便鴻樓指剛南去遙夜如年蓮漏駐強睡朦朧  
翻恐天將曙愁喚冰輪分付與清光徧照相思處

前調

索笑詞甲

四

魚浪吹香鷗夢潤碧玉春流蕩得楊花活試問東風知  
也不楊花未是無情物鏡裡遙山青兩抹片語能通  
要倩鸚哥苔羅韞淩波容易溼明朝瘦了香桃骨

摸魚子

題畫

問姮娥幾時奔月餘光還照佳偶清虛未許容凡骨金  
鈿爲君親剖從撒手道天上人間此會何能又任郎消  
瘦早燕子西飛伯勞東去夢醒漫回首沾泥絮不耐  
東風倂懣一池春水吹皺飄萍更逐天涯遠那管故園  
楊柳君信否但自古風流宿債難消受蒲團重叩甚古  
佛無言閒花滿地人靜晚鐘後

漁家傲

碧水丹崖挈短櫂機心淡處風波少巨鯉纖鯁隨意釣  
無也好一竿瘦影清流照得失雞蟲忙不了吞鉤觸  
網乾坤小嶺月溪雲天浩浩開口笑此中只有漁家傲

憶秦娥

紅橋尋夢圖

長亭酒春風記折金閨柳金閨柳紅闌倒影綠波微皺  
鸞環虹影今如舊模糊夢影君知否君知否楊花飛

盡玉韉人瘦

暗香

謝仲嘉用石帚元韵自題梅邊吹笛圖索和

妙香空色借聞根會取一絲風笛問是幾生月裡霓裳  
悄偷摘回首羅浮夢影重譜入堯章仙筆甚不管斗轉

索笑詞甲

五

參橫香雪糝苔席芳國籟清寂帳洗耳夜深別緒方  
積玉蟾暗泣天路高寒漫相憶何處愁春未醒知破盡  
荒烟叢碧把此曲都付與翠禽寄得

浣溪紗

題畫

碧落銀河夜不眠玉清私自下瑤天木蘭雙槳小遊仙  
秋思作雲香作霧夢痕如水月如烟桂花消息又今年

年

買陂塘

辛伯南湖柳隱圖

洗詩心一泓寒碧宜烟宜月宜雨三椽小築垂楊裡搖  
蕩吟情萬縷誰畫取認放鶴洲邊別有柴桑渚此閒延  
佇只盪澤天隨杯湖擘叟差足領幽趣楊家閣記我

舊曾來處夏初遊禾同集結廬應竝衡宇相逢總是漁  
兄弟莫問先生何許呼俊侶便周北張南共向圖中任  
論誰賓王算新綠初濃鬧紅同泛斗酒聽鸞語

品令

題畫

清明時節又落盡棠梨雪夕陽庭院一聲何處黃鸝調  
舌人倚屏山無語玉笙吹徹風情消歇況舊事今休  
說模糊春夢書樓西畔簾櫳幽絕最憶離離花影淡黃  
新月

清平樂

曉風殘月圖

藏鳥欲動寒入篷牖縫一線銀蟾如斲夢昨夜清涼伊  
共扁舟載酒江邊新詞記唱屯田見說旗亭楊柳依

依總似當年

索笑詞甲

六

望海潮

洪譜笙學博康城觀海圖

榛蕪閭巷牛羊籬落當時鎮海雄城營卒晝眠鹽徒晚  
釀南風不動綏旌佇立黯銷凝但野烟殘照坡隴縱橫  
天際船歸收帆一霎浪花腥登臨且放豪情喜魚蝦  
味雋有酒須傾隄偃護龍墩荒殺虎迴瀾自舞長鯨無  
力奠滄溟怕陽侯索笑也薄書生付與蒼雲一柱謂海中金

山日夜戰潮聲

攤破浣溪紗

卽事和黃小田儀部

秋到人閒暑未央雷鞭特地起商羊乍喜烏雲含雨至  
又斜陽肩肩蕉邊間暗滴微微竹外動新涼還祝魚

星今夜暈望銀潢

清平樂

俗取雞子空其中帖以雲母飾為鸞鳳之形此螢作燈小田有詞索和

雞蟲誰得箇裡消黃白舞鳳翔鸞隨綵飾付與兒童珍  
惜團團道似天形宵來滿貯絳星可是媧皇曾補嵌  
空一片通明

憶舊遊

懷金模夫客越城卻寄

乍燈胸論古酒座譚空舊侶重聯不盡悲秋意忽狂颺  
嘯聚咫尺烽烟朵雲又教吹散風雨暗吳天歎駭鳥投  
林蓬飛絮墮回首經年題箋寄何處想鑑曲尋樵珠  
寺逃禪記我遊蹤在有水風山月殘夢鷗邊欲效子猷  
清興一權訪中仙便避地堪鄰何須興盡迴酒船

索笑詞甲

七

沁園春

小田夢得沁園春半闕醒而足成之久客思歸冀金陵速復傷時感事情見乎辭和仿演雅

江北江南龍亦徒蟠鶴亦難騎甚襟裾換了燕迷舊主  
藩籬摧盡犬臥空基金粉狼烟樓臺虎窟零落飢鴻弔  
佛狸白門柳只殘蟬嘶月漸少鳥啼瞻鳥莫近雕旗  
早百里山村鼠雀稀更蟲沙欲化長圍待兔狐冰未測  
合勢連雞鹿已空隍兕將出柙誰放獅獬亂劫棋江關  
迴道眠鷗且住夢蝶休飛

輓轡金井

寒暑表

片銅精鏤供明胸算作硯屏休訝一線銀泉映琉璃無  
罅升沈浸假驀換了幾番冬夏尺隘量天鐘喧報刻總

輸清雅 蘭秋又看盡也甚驕陽未退殘暑猶怕風雨  
連宵驗鍼痕頻亞炎涼代謝暗分刊細評高下雙屈還  
伸蟲蠕復蟄寸心憑寫

清平樂

楊佩甫江  
湖聽雨圖

疎篷一繫無限天涯意點滴愁聲消酒味寫入米家圖

裏荒庵坐兩跣跌時寓禾興幻居蕭蕭恍聽菰蒲已

自風波滿眼憑君更說江湖

水調歌頭

以梅生新采元遣山樂府貽小田小田  
填此調爲謝和荅之時梅生沒期年矣

金源有遺老詞句儷蘇辛傳抄六百年矣梨棗者番新

回憶平生我友雅意商量魚豕校訂一何勤肉遠玉樓

召轉瞬作陳人寄涪翁消溽暑佐清尊披吟藕花香

索笑詞甲

八

裡偈快亦頻頻懷古蒼涼身世感舊還悲少壯掩卷兩

消魂把酒勸明月世事且休論

滿江紅

題賈葵卿松  
紅菊猶存圖

豔李穠桃笑有幾平泉金谷問何似疎花晚節權籬茅

屋夢境榮枯春去任交情冷暝雲翻覆三十年彈指小

滄桑空枰局穿巫峽遊巴蜀相如賦君平卜君嘗掃  
遊蜀掃

蒿萊三徑菟裘舊築偕隱君何嫌木石結鄰我并無松

菊眇天邊一鶴早歸來同居

謂令弟蓉卿舍  
人時官京師

鷓鴣天

郎蘇門畫蟹小頃人舅堅香先生故物也  
每持螯時輒懸井眉居今年子徒張溪攜

以來九秋展軸不勝  
今昔之感綴題於尾

蓼溲參差蟹舍連秦山西去水如烟一星燈火銜蘆上

幾輩霜螯到酒邊  
閒讀畫醉題箋  
大姚邨裡記多年  
沈吟山抹微雲  
句腸斷秋風過  
蘄船

玉樓春 庭前紅梅破  
萼酌酒耐之

消寒圖裏春歸早  
幾點胭脂猶恨少  
耐寒原是鐵心腸  
故學時妝天一笑  
呼來紅友應同調  
冷豔疎香揀百  
繞醖顏相對舞東風  
我與臞仙同醉倒

朝中措 戲詠  
風箏

天空何處作春聲  
風送一絲輕也  
自鸞飄鳳泊  
居然得意高鳴  
幾人叉手  
幾人彈指  
翹首青冥  
別有傷春心事  
闌干角畔愁聽

折紅梅 瓶插紅梅一枝  
晴窗向暖  
蓓蕾漸坼  
喜而賦此  
梅本梅生手植  
今梅生墓有宿草矣

索笑詞甲

九

故後結云  
此調惟見壽域詞而龔希仲中吳紀間載其詞係吳感作謂感有侍姬曰紅梅因以名其閣嘗作折紅梅詞云云未有注云楊元素本事集誤以為蔣堂侍郎有小鬟號紅梅其殿丞作此詞贈之則是希仲攷知其實故有此辨不知又何以勿為壽域也杜集頗有誤字後干句紀聞脫時字與前段不合不必從萬氏詞律於此調注句度多誤今重為審定填之詞檢花草粹編吳感詞卻有兩闕彼此互校知予所適合

似飛瓊飛下 說文瓊赤玉也 亭亭佩解  
榘裙微皺  
東風轉玉缸

夜暖融酥未醒  
天酒眼波頻溜  
賸幾顆相思如豆  
笑他

桃杏漫擬爭春  
便呼起寒癡一籌輸又  
丹砂鍊久定

仙骨修成  
任空句漏  
豔魂小夢中  
易斷不許茜胸輕扣

珊瑚細鏤  
憑琢句低徊  
重窺卻愁鄰笛  
催落紅蕤和燭

花凝淚伴人清瘦

謁金門

無一語盡日憑闌情緒開到茶靡春欲去夜來風更雨  
一帶長亭烟樹一片斜陽飛絮春到天涯無著處勸

春還小住

百字令

汪蘭舟用竹垞  
韻見贈和荅

萍浮蓬轉恁傭書卅載依然飄泊間是畱侯幽隱地暫  
借寒枝栖託月瓮澆花霜鋤種菜閒寬田園樂市塵吹  
淨客來還認村落同調羞有汪倫考槃高寄經史憑  
炊酌荆棘天涯彌望眼幾許都忘巢幕周北張南盧同  
馬異聊比舟藏壑紛紛何事觸蠻猶競蝸角

索笑詞甲

十

齊天樂

小園隙地廣植虞美人灌壅頗勞春  
暮盛開忽為風雨所摧悵然有作

一春心力緣花悴花開算春餘幾弱質含烟柔姿泣露  
妝點深紅淺紫虞兮信美暮也解銜恩感酬知已消受  
晨朝玉壺清酒效婪尾天公垂老更妬聽零鈴夜雨  
風復吹洗墜玉無聲餘霞漸散瘦骨嬌扶不起鰥華已  
矣笑錦爛功名夢回如此嫋娜殘枝晚晴還自喜

柳梢青

王紫眉中  
年聽雨圖

一葉吳船模糊雲樹浩蕩山川點滴蓬胸鄉心鴈外客  
夢鷗邊蓬廬且穩高眠甚漫憶中年少年回首江湖  
當時聽雨今日烽烟

南樓令

題筱峰西  
湖遊草

記得舊西湖尋秋入畫圖二十年夢境模糊試問湖隄  
鷗鳥侶還憶著個儂無選勝緩騎驢新詞刻意摹向  
樽前喚起髯蘇只恨不曾同載酒君白石我林逋

摸魚子

哭韓絳  
卿舍人

放豺狼披猖南竄腥氛汚徧峰仰故家喬木經年歲一  
列灰飛電掃君莫道甚艱架曹倉珍祕傳鴻寶扁舟草  
草問何處投林流離眷屬棲息羨窮鳥奔馳苦況復  
炎威正燠身心都更潦倒高寒天府應差樂樂土人間  
已少君去好只疑義奇文此後同誰討君得善本古書  
必見示屬破其所  
後詩囚寸稟詠綠水弦摧青山句在劫外爲君保君所  
藏書  
籍皆遭賊火惟元抄宋本孟東野集適在子處幸逃劫  
外誌以歸其後人琴弦綠水絕詩句青山存東野句也

索笑詞甲

二

玉漏遲

旅窗夜  
話圖

連城烽火起一春負了東湖烟水客路栖依回首乍驚  
還喜幾許星離雨散又幾許風霜憔悴偏自幸西牖翦  
燭舊時情味此地角里名村便伴結東園侶兼黃綺  
咫尺畱溪好訪赤松高弟草草一宵情話也未讓桃花  
源裡牕外月窺人酒卮乾未

徵招

王叔彝觀  
察憶槎圖

桃源也有滄桑感蓬萊只應清淺小築傍槎溪指瑯琊  
池館長蘅風未遠問經幾朋簪遊醺畫舫臨波夕軒邀  
月最誰吟健夢境漫尋思營巢苦梁閒正憐雙燕一  
鶴已東飛賸淮王雞犬光風前夜轉想吹綠舊時苔蘚

聽佳語淨埽犴猪待草萊重翦

壺中天

將之皖江朱子鶴以詞送行次韵酬之

仙乎髯也甚清標似鶴天然高潔脫手新詞持贈我宛  
轉深情如結壯不如人而今老矣那有封侯骨人生離  
合浮蹤真似萍葉因念漂泊頻年哀鴻驚鵲相對同  
愁絕草草年華忙裡過幾度蒲觴佳節蟻聚紛紛騷除  
次第看作紅爐雪臨歧一笑劍光飛起九月

徵招

賈秋壑得定武蘭亭命其客廖瑩中以燈影縮摹刻以靈璧世所謂玉枕蘭亭是也國初流入關中蕭長源給諫家耿藩索之不與被

害其子金壇虞氏婿也挾之來奔後歸嘉興錢氏復失之或言在杭州一老嫗家錢警石學博避地皖江獲一舊揚本厥同人屬紀其事

蟲天巧借秋燈影追魂也輸神似片玉墮闌烟喜終隨

索笑詞甲

三

蕭史幾時歸橋李稱去書畫文章家世又道春婆寶同

題扇問流誰氏押尾湖當年尚書筆珍藏宛雷題字

張叔未解元曾見一搨本有錢文端公跋尾過眼柰雲烟况滄桑彈指漂萍

逢皖水恍重獲昭陵遺紙卻還笑野鴛家雞枉頻勞模

擬生沐從錢文端公跋本又海甯蔣

浣溪沙

城西訪菊得蟹歸寓齋小飲縵老有詞依

調和答

佳約尋秋步郭西輕塵斜日市聲稀黃花羞比紫螯肥

辣性老嫌薑愈甚酸風新與醋相宜一樽燈下話東

籬

又

霜稻新籩下若溪縵老湖之涼波三泖足團臍沈吟鄉

味各依依鳥程人冷炙殘栢何處是肥魚大酒舊遊非花前

空憶醉如泥

金縷曲

癸亥十一月十四夜借縵老集王叔室論山如畫子有雪月江山之語縵老因填此調即用為起語次韵和之見者以為當改調名為雪

月江山夜矣

雪月江山夜待呼朋十千沽酒也難論價湯沸竹爐茶

可待來與閒鷗同社正九九寒英初畫接席清談忘主

客勝羊羔玉帳喧杯罍招碧落素娥下嚴城笳鼓霜

零野蕩疎燈漁船宵肅長流東瀉那得梅花開嶺上今

夕春風冒借恐消盡瓊瑤萬瓦一笛吹愁佳句就便姜

索笑詞甲

三

張雅韵君應跨慚屬和景難寫

前調

王孝鳳員外見前詞欣然欲和久而未至杳韵趣之

雪月江山夜甚春宵千金一刻未堪同價覩句清閒容

我輩漫笑材同櫟社數此際雲臺誰畫鵝鴨無聲元濟

縛卷紅螺飲至酬千學間即墨幾時下吟寒瘦骨如

東野羨神鋒行軍智勇君熟嫻韜畧管韓潮傾瀉身在

冰壺心貝闕鶴背天風待借恰下視龍堂鱗瓦雪練前

驅銀浪涌斬長鯨飛步虹梁跨磨盾鼻為君寫

前調

孝鳳詞來而王叔猶未脫稟時殘雪久消連日陰雨有復雪意杳韵示諸同人亦以調王

叔

雪月江山夜譜新聲寶洲漁笛洛箋增價接跡中仙

響吝欲壓月泉吟社把主客圖應添畫茗椀風流憐短  
李潤枯腸未抵雙紅罌花夢遠筆難下 玉塵消盡餘  
平野洗遙峰嶙嶙露骨凝脂齊蕩試手憑酬三白望還  
向龍公乞借定傾倒田家老瓦舉目城頭姑射近尋  
詩驢背無須跨乘興至其心寫

前調

李少石和前詞見示沓韵  
酬之兼訂東坡生日之集

雪月江山夜和陽春後來居上旗亭增價三李餘風鍾  
二妙浙江三李皆大族  
王叔少石居其二名擅東西橘社訂雅集西園重  
畫屈指東坡生日近薦鄴湖綠醪香浮罌皖城無越釀  
以湘酒爲最  
公一笑倘來下 江南江北今清野甚蟲沙須臾泡影  
流斯同蕩客館殘年聊自賀一醉題仍舊借乙未甲寅  
嘗兩祝東

索笑詞甲

西

坡 其暖炙紅絲硯瓦擲筆漫空花雨墮看橫江孤鶴翩  
然跨飛逸藻請公寫

哨徧

東坡生白同人集縵老蟄庵  
用歸去來辭韵平仄悉依之

造物愛才而復忌之轉恨才爲累驅海南垂老始教歸  
問元都桃花誰是曉露晞榮華一場春夢威權幾輩驚  
孩稚看八百餘年神仙壽考何人能復爭此對小樓江  
水繞巖扉請擬笛高歌鶴南飛天爲先生粉本重施前一  
日復得豫添畫意 噫公既來兮劫灰愁覩人閒世仙  
樂間帝所花豬應久忌味湖赤壁開樽青巾奏曲餘音  
尚繞東流水欣楚尾吳頭金城玉壁年來兵氣消矣况  
四山積雪月上時試舉手樓前共邀之任盃行酒籌休

計天風寒徹高處上界今何夕定知特平地金吾放夜  
引滿何妨竟醉坦平天路免憂疑儘乘風休慮呵止

前調孝鳳以元日詞  
索和仍前韻也

景運到隆如日正中豈爲浮雲累一星周天意共春歸  
喜生機盈前都是露未晞金莖自承仙掌琅玕晝暖孫  
添稚思爆竹連宵桃符徧戶當時那平計及此有晉公  
勝算贊綸扉更翩翩朝陽鳳齊飛瑞雪冬颺旭日春融  
盡如物意意歲序新兮謳歌共祝承平世痛定重  
自省蓼荼嘗徧眾味況澤鴈猶嗷釜魚尚活餘氛莫遣  
汚江水間東武波清鴛湖浪息西吳行且收矣奮勳名  
公等此一時舉四海烽烟盡消之爲蒼生好謀生計鷓

索笑詞甲

五

鷓休問棲處顧影慙絲髻此生還慶滄桑幸免對酒何  
能不醉向來陰晦不須疑看須臾雲淨風止

夷則商國香慢

水仙花  
和纓老

海國仙人乍盈盈出水縞襪無塵微波宛通蘭訊脈脈  
含顰草認天寒翠袖玉妃住臺閣金銀羞貽漢皋佩一  
片冰心緩度初春冷香凝素質記炎涼徧閱幽魄重  
溫日華融照露莖潛擢靈根瘦怯銖衣特立伴紙窗霜  
月梅魂年光怕回溯曲几屏山靜對清芬雅愛水仙歲  
必菽數本亂

後不復有  
此清興矣

木蘭花慢

春  
雪

正元鏡近也又銀海六花翻乍蝶翅輕颺鵝毛細翦舞

片成團連番每逢三五子丑寅月三週雪皆在望前後鬪清輝似如玉  
蟾圓佳約踏青南陌有人暗蹙眉彎江千盡失巖巒  
高與下總漫漫問昔帽登樓重裘把蓋甚處清歡關山  
幾多征戍更飢鴻徧野正號寒祝取東風解凍憑吹黍  
谷春還

臺城路

綠毛龜亦名金錢龜吳頰仙覓得一枚胎子春寒裏以重綿如無息然

六銖衣勝榆錢薄身輕慣遊蓮葉繡蔕苔花昔黏石髮  
不用磨銅調汁方術家言以生薑自然汁調銅絲傅龜背生綠毛萍依藻帖任  
春水無波離朱難拾具體潛靈收香么鳳配雙絕春  
寒還未起蟄儘吳綿細裏休問呼吸蛹老眠初蟬空羽  
化入夢都疑癡蝶真成小劫想綠字書呈髓應重潔錯

索笑詞甲

六

認青蛻上清餘蛻骨

憶舊遊

憶西湖也和纒老

段家橋畔路廿五年前曾逐遊人元髮今成素檢星星  
臙橐似夢如塵林鬢算也頭白殘雪化愁雲甚敗柳鶯  
悽零梅鶴怨幾度經春東君更何忍放艸色裙腰綠  
到湖澹廢井積垣裏憶芳隄畫舸花徑香輪梵宮磬響  
何處孤角斷黃昏只一招織眉江頭月作西子鬢

索笑詞乙

瑞鶴仙

秦淮散步紅樓翠館半為瓦礫閒贖頽垣淮丁字簾前楊柳一株依依如故憑弔撫然

鏡波滢淺碧裊恨絲愁縷秋心如織紅闌已無跡况憑  
闌人影鬢華應白清箏肥笛記晴宵橋邊聽拍甚飄零  
金粉餘香化作暗塵南陌空惜烏衣巷口王謝堂前  
夢痕難覩朱門畫壁賊日所居皆如此舊時燕幾能識慘西風  
殘照盈盈一水未盡消沈怨魄只依依照水低顰瘦腰  
似昔

雪月江山夜

十一月十九日得張元素補和前詞走筆答之

雪月江山夜占新題拈詞角韵消寒偶借歲晏蘇齋聯

索笑詞乙

小集復覩承平風雅去臘東坡生日之集節相間之喜曰此承平氣象也又荏苒

年華如鴻身到江南心皖北笑鴻泥爪印添佳話思往

事宛疑乍錦箋恰共瑤花下連日試雪噴珠璣九天飛至

拾來盈把後月今辰曾憶否舊例還應薦岸且莫管壚

頭酒價酒價極貴醉上翠微亭子望好江山無恙蟲沙化須

踏雪蹇驢跨

徵招

三日不至秦淮丁簾株柳忽又仙去賦此志哀

翠雲一片陽臺影霜風忽吹何處幾日不來遊訝荒寒

如許離情千萬縷莫都化前朝烟雨撫徧紅闌文德橋新舊

冰澌凝碧消魂無語欲平作去轉沈吟人閒事瞥眼便

成今古選勝問南朝賸絲絲堪據依然畱不住只消受

新詞幾句認殘聲  
悵絕栖鳥更玉驄  
迷路

臺城路

纓老示和李葆齋太守金陵雜感詞次韵

寒城寂寞登臨處  
蕭然更無平楚  
華屋山邱名園瓦礫  
往迹今存幾許  
瀕淮小佇悵邀笛  
何人暗蛩孤語  
龍氣空蟠孝陵間  
說賸焦土  
河山風景異昔堪憐  
十二載沈沒陰雨  
墮溷芳凋沾泥絮  
死夢裡綠香紅舞  
天寒日暮且憑弔  
英雄孝侯臺去  
清角黃昏似言征戰苦

澡蘭香

閩午日韋守齋都閩邀同纓老王叔張魯生司馬方元徵少尹泛舟秦淮讌集桃溪

水榭復榭泗青溪日暝而返和纓老作

榴紅未褪艾綠猶懸  
補試薰風一棹樓欹  
燕墮柳悴鴉遷付與  
舊鷗憑弔過溪灣  
臨水疎櫺沈吟何時夢到驚

索笑詞乙

二

倚檻紅欄宛對

利涉橋

悠然成笑

去冬訪同郡袁蓮叔明府沈指甫員外曾來此

卻喜茶香酒冽  
主客清談兩三  
同調吳絲雨澀  
蜀魄

烟啼不管閒人  
醉了

隔戶有挾歌妓來者

更移舟綠水城隅看盡

殘霞晚照思結  
伴辨取漁叢  
桃溪垂釣

壬辰秋賦遇合肥萬于瓚筠軒

詞近作有端向桃溪著釣蓑畢竟難消金粉氣聽他簾底罵鸚哥句惜念首句偶憶及之

八聲甘州

與纓雲魯生王叔元徵歐陽曉岑員外集桃溪水榭餞劉開生太守赴臨淮大營楊見山大令起長沙幕和纓老作

問秦淮何事合青溪  
何緣別青溪蕩情波一碧鷗盟聚

散萍迹東西不盡南朝遺恨  
舊事入新題共此憑欄意

今古依依此去臨流攬勝  
又觀魚濠上賦鵬湘灩想

登高回首吳岫出林微算題襟  
三年賓館便重逢絲髻

怕都非金尊倒清歡盡日休話分攜

臺城路

孫徵之廣文招同纓老王叔應敏齋觀  
察陳卓人太守潘伯寬都尉集妙相庵

藥欄曾記婪春約和花兩成孤負

有觀辰來此芍藥初芽  
無花亦綠葉交陰青蕢帖水一樹紅薇窺牖黃梅過後尙

雨壓臺城雲沈鍾阜問主何須二梧清絕坐來久後至人

江城名勝贖此平池剛繞檻惜未栽藕亭角添蕉牆

坳補竹路曲還空垂柳吟情儘有笑不為佳招肯常來

否淪茗清談醉人非在酒

揚州慢

和纓老用  
石帚韻

新約題櫻舊遊尋藥天邊恰報雲程纓老乍抵揚州卽  
間其從子鏡芙蓉南

捷宮之恣扶筇一笑對水碧山青喜畱此靈光魯殿竹深

索笑詞乙

三

松老渾未遭兵現無遮佛日慈雲遙庇江城劫塵換

了話從頭鷗夢猶驚但晚筍登盤鮮鱗出網消受閒情

靜看巨然飛墨焦山僧几  
谷能畫雲烟埽著句無聲罷談禪小

閣聽濤殘月初生

長亭怨慢

送李芋仙刺  
史赴江西

黯連日長亭烟雨畫出人閒萬愁千緒楚岫吳雲望中

都是斷腸處過從非遠先不是常相聚到得別離時又

恨不當時同住好去溯晴川歷歷舟檣漢陽津樹仙

人舊館尙應有碧紗籠句更屈指此地心知問誰似南

州徐孺甚他日相思明日相思何許

清平樂

中秋夕與李小涵刑部鄧寄雨司馬潘伯  
寅都尉李壬叔泛舟秦淮波月交映如在

玉壺覺昔之笙歌粉黛真塵土百二首

良宵勝友小飲輕醒後淺夢濃香憑感舊說與閒鷗知  
否垂楊何處紅樓青溪暗接淮流洗盡當年脂粉清  
波皎月涼秋

前調

扣舷乘興邀笛無人應風露侵衣燈火靜偏是今宵耐  
冷南城坐嘯胡牀冶城遙望梅岡登間李宮保與賓從  
老與黃亮甫太何似扁舟兩漿中分一半秋光秦淮當  
守亦步月冶城

如夢令

題黃琴川太守南灘春柳圖二首

走馬章臺時候牕外早鶯啼久倦眼困三眠春氣殢人

索笑詞乙

四

如酒楊柳楊柳休被曉風吹瘦

前調

秦女乘鸞去後南灘在江都仙女廟間道秦樓依舊樓下卽天涯

樓上玉人垂手楊柳楊柳幾度行人回首

水龍吟

題焦山寺僧大須守鶴圖守鶴圖者託意於瘞鶴銘也粵賊據鎮江時寺僧逃散

獨方丈僧了然守寺者其弟子流長大須又流長

也弟子

仙禽已返芝田空山片碣誰畱誌雲霾浪打鴻翩鷗戲

模糊殘字祠近徵君龕鄰彌勒一亭森峙又鱣濤靜息

腥氛不染蟲沙劫消彈指依舊林巒青紫話斜陽浮

漚往事天魔狂舞禪心常定何曾生死逸翮重來貞珉

無恙還應戀此有諸天龍象千年呵護任人閒世

好事近

與李小涵刊部妙相庵探梅時天氣驟暖而尚未落蓄然已有攀折者紀以四詞

春入乍經旬暖氣著人如炙壓倒山肩難簪把羊裘先

釋元宵欲近買燈喧車馬市頭窄行過笊橋東望喜

浮嵐濃滴

前調

迤邐北門橋遮手午晴當額過了唱經樓也望鼓樓岡

直轉灣小巷路依稀飛香似迎客應是玉英都放待

商量瑤席

前調

語笑出亭臺已有往來遊客卻繞曲廊行去但一池凝

索笑詞乙

五

碧蘂珠深閉玉仙眠徘徊坐苔石任是東風情急肯

香苞輕坼

前調

不怕雪霜侵不受春陽邀勒只此亭亭疎幹豈輸他松

柏數枝臨水自橫斜天然好標格說與愛花人道莫

輕輕攀摘

前調

益蓄紅梅者晴胸冬暖益以薰爐未春盛花人為祥也羣蘂方苞忽已飄落易開易謝

物理宜然吾為自喜者誠

玉骨又冰心也有些兒趨熱幾日曉胸晴暖學淡妝濃

抹入時花樣借胭脂得氣便生色容易片時春夢奈

一聲橫笛

鷓鴣天

題黃琴川太守冬花館圖

桂苑西邊藥檻東，玉胸晴暖曉霞烘。花開積雪繖霜候，人在濃香淺夢中。深院宇，小簾櫳。消寒圖裡早春風。瓊枝別具傾城色，妬殺紅梅未是紅。

渡江雲

將請暫歸縵老倚此調贈行和荅

無心閒出岫，不成霖雨，還作渡江雲。故山猿鶴，怨屢寄文無何事，滯遊人。聯裾嘯詠都忘去。卻玉膾香尊添鬢，絲霜華滿鏡，三度客中春。因循梅妝淨，洗柳眼，全舒數歸期。纔準。幾日鴻泥訪舊燕，壘營新居。擬移相逢正及櫻桃熟，醉藥欄，訂取芳辰。延夏綠登盤乍薦，銀鱗

臺城路

題鄭曉涵明府重到金陵圖

索笑詞乙

六

莫愁湖上尋詩艇，重來宛如遼鶴壘。燕無歸梁，鴛鴦怕宿苦道江山如昨。荒烟淡泊，認幾處園林，幾家池閣。兵氣消沈，秋聲還在戍樓角。沙邊葦潮又落，劫灰淘未盡，殘夢猶愕。虎踞崢嶸，龍蟠迤邐，不信橫江風惡。蕪蒲小泊，記孫楚樓頭，那回深酌。一笛凌波，古懷何處著。

滿宮花

日遲遲，簾悄悄，絲徧簾前芳艸。一年一度舊東風，不管吹將人老。閒倚闌干看夕照，幽意無人知道。只應明月尚多情，記得當時年少。

木蘭花

趙季梅中翰邀同縵老王叔戴子高學博泛莫愁湖飲觀音庵縵老賦念奴嬌屬指

普倚此奉酬

蕩湘雲一片銷不盡古今愁剩榭葉籠烟菱花映水妝  
點新秋閒鷗喚人共泛悄聯裾便上釣魚舟且喜芙蓉  
未老知應遲我清遊 休休亭子石城頭艇子幾句畱  
恁一角誅茅三椽駐錫佛也低眸觥籌漫題往事澹斜  
暉何處勝棋樓輸與秦淮夜月依前畫舫歌喉夏夜秦淮燈船

盛頴

十六字令

題畫

思小倚梅花獨立時無人見惟有月明知

珍珠簾

為孫徵之大令題涼珠錢別圖卷

卷首跋云壬子六月廿一日秦淮涼珠閣消暑  
弟四會湯雨生李悅山合作此卷贈虎谿贊府

索笑詞乙

七

吳門之行雨生記會者候青甫林雨亭沈玉生  
周還之孔伯嘉林如岡汪龍谿後至得觀者郭  
晴峰此湯貞愍真跡也涼珠閣舊丁字簾地今  
鞠為茂艸矣貞愍殉難於咸豐癸丑春距作圖  
時僅踰半載

桃溪右轉垂楊裏闌干外一片離愁如水勸飲進筍栝  
沁涼襟揀醉雪藕絲長牽遠夢道別後相思須寄空寄  
柰流年暗換秋風來易 重覩舊日淮堧想玉茗風流  
老懷靡已慘澹墨痕中有傷時清淚廿載雲烟今散盡  
問水榭丁簾誰記休記又花影珠光畫船簫起

月下笛

題王泖秋梅花村人圖

一畝溪東三閒老屋遠離塵市閒門靜誰向雲亭問奇  
字寒香入席當胸影恰瘦與吟人正似恁冰霜歷盡依  
然傲骨樹猶如此 風致暑題紙比桺號先生松名處  
士清宵月至冷光同照心事便看新綠成陰後也儼有  
山林意思好待取試調羹酸到青青結子

買陂塘

題謝稼軒西湖泛  
樾圖謝祖籍杭州

念家山扁舟湖上年年來泊沙尾六橋花桺招移舫橋  
上行人如螳儂也記記南北高峰埽翠雙鬟倚而今老  
矣悵往事如雲前游似夢仿佛見圖裡 蕭疎筆饒有  
石平作田遺意詩魂誰更呼起當時載酒湖心月香蕩紅  
荷十里今昔異道林木荒涼只賸山和水蘭橈重樣想  
浴鷺眠鷗都應瘦損還識此翁未

索笑詞乙

八

渡江雲

温州瑞安城南飛雲渡舊設義舟二十居民捐  
租爲歲修費胥吏乾沒積久漸廢僅存二三船  
人多載重舟子橫索常致傾覆奉賢阮荔汀以  
丞攝縣事倡捐興復勒石示禁復修葺待渡亭  
以便往來者乃繪圖紀事屬題

甌江西湖海梅頭寨過渡口入飛雲含愁爭堵立浩渺  
波瀾一水隔全閩盈盈望眼想當日此路通津誰更把  
慈航分布歡洽候潮人 風塵花封小試蠹卷重稽奠  
風濤安穩憑指顧窺糧鼠絕狎浪鷗馴雙尖塢頂斜陽

裡江岸兩坐孤亭閒誦碑文常擁護年年好祝龍神宋

純陶朱新錄載此江中嘗有二龍相鬪忽一金龍自海門來其大數倍二龍望見皆遁

減字木蘭花

林頌夔紅杏填詞圖

梅花家世要與尙書爭韵事二月春中十里濃香杏苑  
風 笛聲吹起人在月明疎影裡譜入鶯喉檀板金樽  
醉玉樓

索笑詞乙

九

存希閣詩序

身乎予與布廬以詩定交十五年未嘗再面也然書辭  
通問歲率五六往復每發函伸紙如對一室而今不可  
復得矣悲夫君爲人伉爽質直好義當壬辰秋予應試  
金陵闈中聞君與人談詩滔滔徹旦俄予卷污題詩號  
壁將出君見而驚咤走筆和之爲同舍生傳鈔殆徧八  
月望君訪予逆旅步月淮青橋議論風發泉涌明日集  
秦淮水閣誦近句皆卓然有所見已而別去身乎孰知  
其不復見也君家世積德君尤雄於文人方以遠大期  
君顧秋賦屢紕是年喪其室劉孺人無何君父自嶺右  
歸卒於家君母繼之祖母衰老子女皆幼課徒不足以

存序

自給歲壬寅避海氛徙家常州目疾屢發境益窘橐筆  
依南昌曹太守於淮於揚旋依昌黎韓給諫於清河丙  
午秋扶病入闈榜發仍被放遽鬱鬱以死身乎詩人多  
窮少達自古已然然君之爲人豈徒以詩人盡者方其  
阨塞困窮且謂天故屈折之俾盤根錯節以老其材而  
大其用而執意竟止於斯哉自十五年來凡有書問率  
以道義學術相規勉不暇言詩君沒後徐君蓉鏡始輯  
君舊作寄予則君之性情境遇咸具於是至其暨陽懷  
古諸作微顯闡幽激揚忠義慨然有尙友古人之志讀  
者卽未識布廬亦可想見其人然則予之僅與布廬一  
面又豈足恨哉徐君爲布廬高足弟子嘗校刊劉孺人

詩彙布廬之喪徐君實經紀之又掇拾遺詩將以付梓  
尹公之佗取友必端我於徐君益思布廬之爲人矣徐  
君所輯布廬詩凡五卷總一百一十有四首予汰之得  
百五首合爲一卷道光二十八年歲次戊申嘉平月南  
漚張文虎撰

存序

二

存希閣詩錄

江陰繆徵甲布盧甫著

春雨

江南有客罷尋芳，煙罩樓頭水滿塘。日日乍寒還乍暖，絲絲難織亦難量。早催風信三番過，爲送雲行一夜忙。此際濡毫應五色，借他春氣入文章。

肯讓晴光獨占春，隨時澤物化工神。宮鶯喉轉先回潤，堤柳眉低亦效顰。有意爲霖蘇綠野，無邊小草活紅塵。尋常江海兼溝壑，一樣分沾一樣均。

要催春色徧天涯，不獨分陰到碧紗。歸燕暫教酣午夢，狂蜂未許亂朝衙。無聲早洗千林雪，著地能開萬國花。

存

脈動西疇生意足，如膏先溉野人家。

揚子江曉望

五更殘夢雁聲催，草閣臨江眼界開。收盡春寒紅日湧，隔江柔櫓帶潮來。

題張睢陽廟壁

力障江淮第一功，孤城雀鼠亦全忠。桃花刀上蛾眉血，不比尋常薄命紅。

盆蘭

先生齋頭植盆蘭，花苞怒發如玉攢。有客入室青眼看，云此珍品殊等閒。子然几案非飾觀，位置宜向紗廚安。詠歌請爲徵詩壇，不然移琴來就彈。先生聞語心骨酸。

俗眼幾人別木難去年得此同茆菅鄰家棄置風葉乾  
廡下我憐梁伯鸞三熏三沐土自搏一飯庶比淮陰韓  
蔽以嫋嫋青竹竿挹以清露宵溥溥參差莖葉根屈蟠  
孤鴻息影修羽翰纍纍珠初發端對之忽若忘憂護  
其時八月秋未闌素花七朵杳可圍離離瘦影垂闌干  
似勸知己先加餐小雪已過大雪寒帷車閉置重繕完  
松釵擁護根不單菽乳灌沃冀使蕃周防黠鼠智力殫  
中夜拂拭憂摧殘一朝嬌身辭籠樊青芝赤箭鬱以繁  
幽香遠勝勝羅梅檀訪者屢滿言者譎安知當日棄溷藩  
先生長吟客淚潛蘭亦無言暗自歎

寄內

存

二

局踏鷓鴣寄一枝貧家門戶賴卿持老親奉薄餐須早  
稚子衣寒睡莫遲兩夜斷薪愁爨火霜晨汲水裂凝脂  
更餘遺負當殘臘蓋篋搜羅強自支

終窶無聞交謫聲寒宵倡和憶深更才能蘊藉方爲福  
詩到奇窮轉更清年過老泉頻誠我世無德曜定推卿  
祇憐林下長飢鶴不及朝陽采鳳鳴

題畫馬

伏櫪何須試一鳴昂昂千里見平生王良伯樂世安有  
不受鞭笞自在行

哭被初叔

列宿郎官秩正加每從塵土夢京華三膺

帝簡衡文尺

辛巳主試貴州庚辰丙戌分校春闈

兩見門生及第花

朱采山狀

元陳芝楣探花皆叔分校所得土

驚地春風悲畫省空餘香雪糝天涯  
齋詩集江湖潦倒慚符朗軼足誰憐壯志賒

諺樂府

新嫁孃

五千買羅襦十千換珍珠納采不可一件無新孃三日

入庖廚阿姑歎息晨炊虛

泥菩薩

泥菩薩何時靈易欺者昏夜之黑黑難欺者上天之青  
青上天命爾鎮一方嘆頭象簡何軒昂爾須扶善鋤豪  
強莫貪豪強陳酒漿

存

倉老鼠

倉鼠飽腹田鼠夜哭田鼠夜哭倉鼠起屋田鼠從今莫  
入田一石米上倉須折錢六千

地頭蛇

勸君莫鬪地頭蛇蛇之穴大樹遮大樹不倒蛇不死夜  
入人家吞骨髓長成十丈猛於虎口噓毒霧為雲雨

麻姑仙

仙乎仙乎何飄飄白雲在天不可招海南珠山東繭送

入仙家聽仙選天醫星能活人仙人一笑化作塵城頭

狐恃虎符仙人一怒伏厥辜仙乎仙乎真仙姑

傳聞

傳聞猺逆未成擒騷動荆襄又桂林雞羽朝馳軍餉急  
旄頭夜落將星沈

宵衣自定平蠻策大吏應存善後心我有老親千里外  
干戈阻斷嶺雲深

苦雨行

歛如萬馬天上來白波日夜鳴喧  
厖蛟龍怒觸銀漢決  
啞啞時震雌雄雷屋旁楊柳下橋橋今不見柳沒腰  
魚蝦入屋古井塌助以風勢聲蕭蕭估舟何來逆風走  
一霎舟沈露人首舵工呼救氣愴悽殘喘俄延到村口  
村口農家正相哭初時誤喜甘霖足新秧漂沒茅屋淹  
爨火蕭條苦枵腹明朝剝啄吏催租更向前村賣黃犢

存

四

丹陽道中

百里舟行逆水灘半帆風順覺平安花香夾路半含笑  
塔影當橋宜倒看城圯已憑人上下年荒誰念戶凋殘  
遙憐遠近砧聲急蘆荻蕭蕭漸作寒

方正學祠

大書莽篡表臣忠如雪麻衣染血紅高煦後來家法肖  
九原含笑問周公

景隆誤國千秋臭正學旌閭十族香萬子萬孫天已定

那容公再輔成王

孝陵

真人彷彿大風歌王氣誰如浦上何緝甲雞曾聽馬后

開基龍本諱猪婆託孤都尉金牌密垂老功臣鐵券磨  
翁仲一朝聞夜哭明宗麥飯已無多

悼公

新婚半月去依人慨典羅襦代養親佳節暫歸翻似客  
同聲相敬儼如賓情怡翰墨偷餘暇書報平安不出旬  
此日鰥夫腸百結愁來誰與話諳諳

母病剛逢卿病時病人扶病倍堪悲爲調湯藥常終夜  
自忘膏肓不及醫竟以事姑延療疾從來孝婦勝男兒  
慈幃今日頻增痛一度雞鳴一涕洟

豈少柔腸念藁砧卻無絮語泥情深少年我愧飛揚性  
良佐君多勸勉心肯對牛衣同掩泣教藏龍劍待知音

存

五

閨中琴瑟兼師友長使黔婁淚滿襟

秋風瑁櫛賦歸來片刻愁顏強自開檢點征衣親薄澣  
料量冬學苦煩催離方五日緣偏斷閨到重陽夢不回  
最慘彌留前半夕寒衾欲寄手還裁

遺雛百病幸初安兩歲違孃育倍難錯認暫眠呼覓乳  
未勝扶杖抱憑棺謂他人母悲何恃問爾諸姑意更酸  
片語泉臺差自慰一盂麥飯當承歡

家大人自粵西旋里喜賦

歸路八千里離家十七年登堂扶大母喜極淚翻漣

讀史小樂府

竹簡火萬卷燒阿房火三月焦竹簡燒出孔壁阿房焦

秦祚革博浪沙中壯士擊圮橋一編受黃石高皇偁善  
陸賈書天下黔首何能愚君不見指鹿爲馬纔二世應  
恨織兒不識字

呂易嬴牛代馬不血刃得天下柴繼郭李繼劉不黃鉞  
臣王侯劉淵冒頓徒藉口尊高光沙陀李亞子建國偁  
後唐君不見側室之子承高皇老夫臣佗氣不揚隆準  
子孫宜君王

萋亭粥飯厚思報真人大度越高廟功臣保全骨肉疏  
東海王彊屢上書上書幸得全母子此事差強人意耳  
宋宏未免啗官家娶妻當得陰麗華

蛙鳴公私乎禿鶯唳來乎有子如此父不知手挈九鼎

存

六

輕付之彼蒼者天奪其魄不使奸雄衍遺澤巍巍昭烈  
繼漢緒禪降諶尙得死所龍種豈同狐媚羣天下英雄  
惟使君

王夫人死如生堯母門生合死外戚之禍鑒呂雉後世  
殺母立犢子作偏卻自漢武始傳至鑄金折跋氏竟謂  
漢家法如此天遣靈后亂國紀瑤光寺尼奪作媚燕銜  
楊花入窠裏

阿兄友弟如龍虎燭影搖紅戳柱斧中令何曾讀論語  
金匱誓書棄苴土皇弟殿前淚如雨太祖已誤莫再誤  
喚作閒人尙心妬君不見火煮碑字驗分明披髮秦王  
上天訴

尼山告定哀困勉特爲愚柔開鄒嶧告齊梁貨色臺囿  
皆興王豈不願君作堯舜中人以下循序進南宋諸君  
聽講學如聽古樂臥不覺

汝父如龍汝兄虎汝何人斯作舜禹殺癩心中尙無主  
之才一言登九五從來不臣敢跋扈賣國求榮由賈豎  
朱三本是黃巢伍獨斥鴟鴞事可取

喜顧秋碧

槐三過訪

秋雨聲中舊雨來堆盤苜蓿且銜杯黃花似待先生到  
膽蕊還畱小雪開

春燕

重疊樓臺對夕暉偶然借此息身衣教雛學話呢喃苦

存

七

謀食歸巢飲啄微自笑處堂原計拙何如振羽任天飛  
東風半捲湘簾意去住明年早見幾

宛陵雜詩

不挂蒲帆緩緩行秋風吹我到宣城出山泉水潺湲急  
可似山中徹底清

六尺飢驅憊憊中塵襟孤負對丹楓敬亭山下雙溪水  
會照青蓮咏謝公

茅店三閒席作門瓦盆新釀醉黃昏西風打屋寒星射  
添盡衾裯不覺溫

磷磷碎石映流泉隨意幽尋夕照天獨木小橋當路出  
倩人扶過水西邊

呈薦師雷雲峯先生時夏

蓬山遙望自沈吟孤負王陽汲引心月窟未容凡骨到  
春風偏護落花深縱教方叔重通籍難似鍾期此賞心  
鐵羽況兼愁力弱麤氈行媿鳥投林

小范終身拜晏公只因薦剡在途窮後生敢擬前賢樂  
大匠能虛國士衷想到夜闌搜萬卷定將秋水洗雙瞳  
標藍八字分明記薦評有識力高超  
情文並茂八字一度披看一淚紅

示徐生靜三蓉鏡

珠光劍氣總堪珍劍匣珠胎貴養真花欲芳菲先斂萼  
月將圓滿自無塵讀書豈僅科名計閱世徐看意氣馴  
九十韶華駒過隙少年休負豔陽春

暨陽懷古

有吳延陵君子之墓至聖先師書十  
字碑在申浦

嗚呼致其哀有吳表其國延陵本其心君子重其德十  
字旨甚微褒以麟經筆後儒多致疑真質說憑臆篆疑  
漢代書石指丹陽泐風雷怒赫然特為顯而出頃刻碎  
復完初不假人力迄今無縫衣豐碑江上植聚訟障先  
賢神來解爾惑

白鹿山夫差出獵得  
白鹿因名

美人采花香山花發如綺鳥喙方臥薪君王樂未已色  
荒復禽荒顧眄雄金矢朝出姑蘇臺一箭雙鹿死歸來  
誇美人此亦如皋雉拜獻千秋觴君王大笑起屬鏤愴

忠魂抉眼懸胥里無端蕉夢醒逐鹿人來矣安得射鹿  
弓早射太宰嚭

胥歌村 伍子胥擊劍歌此里  
祀為社神村在華墅

父讐固當復臣道不可無處宮復鞭墓千載議子胥夷  
考楚棄疾弑兄奪其居新臺醜莫掩殺賢信諂諛天倫  
既漸滅曰君實愧諸衡以順逆義孝子刃獨夫閒闢出  
虎口憤激生窮途所惜屬鏤死前智何後愚胡不早引  
退伏劍明區區我來胥歌村荒煙弔平蕪漂女今安在  
蘆中人亦殊但聽社公鼓幸未訛髭鬚

君山 黃歇  
葬處

善於謀國論從橫上書能止十萬兵闖於謀己公其身

存 九

倉客空有三千人身為大臣居奇貨即無李園禍亦大  
君不見呂仲父於國何親蜀道苦黃山蒼蒼申江洋洋  
祀君名宦陳椒漿千載民情尚如此遠勝太牢祀公子

道成墩

晉旌陽令許遜宅遜作令時壅金治後  
閩丹陽湛母孝往師之屢除毒蛇孽蛟之害  
晉孝武安康二年百三十六歲八月朔卒歿  
在青

賜鄉

烏乎許公仁者非神仙代民納稅法外意後之繼者難  
為賢瘞金償賦諱施與詭為黃白母乃偵醫師之外設  
方相周禮廣立仁政篇張魯世傳斗米術驅疫乃以符  
水專公能納民躋壽寓豈藉符水為和扁禹役庚辰益  
火為民除害神聖傳斬蛇赤帝行大澤搏蛟孝侯入

深淵事本尋常不足怪要皆一念爲民堅後堂拜母重  
母孝大孝必得壽百年先生應笑變大輩安希白日能  
昇天世儒自是眼孔小故神其說何責焉烏乎許公仁  
者非神仙

長廡村

晉郭璞宅  
在黃山北

世嘗郭景純所學任術數身卒蹈危機任數爲數誤吾  
謂郭求仁任數理卽具當其對逆敵順逆冀一悟臣命  
盡今日殉國無他顧若有趨避心生死先失度聞昔葬  
母昆江上來封墓葬經失真傳後人多依附宣城竝歸  
魂太真復短祚幽冥負伯仁忠義爭豎樹淮水有時竭  
銜刀上天訴如何中吳人尚祀短主簿

文選樓

昭明太子讀書處山茶一株  
其手植也枯輒復榮在顧山

十

朝如傅舍君弈棋南北紛紛曾幾時蕭衍老公手篡逆  
佛果有靈不佑之同泰爲奴得復失天心不使存佳兒  
佳兒仁孝勤學問館開博望延賓師蕭郎若早傳賢子  
江東磐石安無危傷哉蠟鵝等巫蠱燕雀銜土千載悲  
臺城血水呼荷荷湘東一目何能爲梁家寸土竟安在  
書臺選樓到處遺池揚二州旣志勝江陰亦復傳下帷  
帷空猶照青宮月書帶紛披綠滿墀樓角山茶覆如繖  
劫灰燒盡生孫枝梁溪海虞都人士靈光殿下高吟詩  
詩中盛偁手植檜徘徊惋憤深長思滄桑屢易文在茲

牛跡山

唐魏璞隱居題詩  
石畔在舜過山

舜過山下隱君子飢餓山雲渴江水杜門不出三十年  
世事營營任朝市詩成和者陸與皮千里同心室則邇  
愁殺思歸張季鷹秋風祇說鱸羹美

梅花堂

祀蘇文忠公堂額卽公手題在香山又馬嘶鎮蘇聖明時鋤得古碑亦有東坡

田舍四字

陽羨田常州宅表乞居計亦得未幾乘風歸五樓田宅  
雲烟盡陳迹何時自毘陵移來江上展田舍畱殘碑孳  
窠存手澤我折古梅花爲公作生日

悟空寺

宋毅判江陰軍陳剛中題詩處詩云入微言或棄歸休從此始蓋紹興中邑值水災橫征不已剛中請蠲誓以去畱決之也寺在青陽金鳳鄉

爲官視民瘼了不關其心豈無愛民意戀棧意更深一

存

七

言倘見斥褫帶歸山林欲保五斗米與世姑浮沉所學  
究安在清夜愧影衾緬懷南渡後此地橫潦侵征斂迫  
未已哀鴻有餘音知軍人雖微建議可斷金心傷彈丸  
邑田舍漂雨淫流民竟誰繪食子痛不禁臣心爲民碎  
哀淚時沾襟催科實不忍臣罪當抽簪仁人一言溥如  
旱蘇甘霖豈不戀一官所憂在蒼黔今誦蕭寺詠如聞  
宓子琴後有司牧者願爲座右箴

由里山

宋同知樞密院事文定公邱密墓在山南

孝宗嗣南渡未能驟復讐痛以陵寢故哀爲祈請謀曰  
請質驕敵朝廷小可羞百年旣和好侂冑欲渝盟果函  
太師首鄰境乃罷兵曰釁自我啟他日變所生吳氏握

兵柄父子相繼承乾綱不能斷優容畱後偁曰挺死勿  
嗣藩鎮漸可懲老臣謀國是著蔡勿是過金使正以禮  
帝曰卿力多江淮死以守敵曰無過河築堤衛田畝楮  
幣除偏頗邱葛邑世族公德尤可歌酌酒拜公墓由里  
山峩峩

駙馬祠

宋謝馬曹北祠理宗朝北尚魏郡長公

德祐改元歸鄉里晦跡與齊民均眷瞻親黨  
詢以國事不應裔孫淵洪武中糾社中義兵  
禦羣盜賜書榜為義軍門後禦賊

半間堂開朝無人蟋蟀聲裡飛邊塵都尉憂時書早陳  
匪曰直臣臣國親封章數上不報聞臣心已盡臣乞身  
鹿車夫婦歸如賓宮花蛾鈿不再勻夫耕婦鋤儕齊民

存

三

孝我父母睦我鄰五丈夫子皆麒麟詢以國事不啟脣  
騎驢湖上蒼晦遵富貴於我如浮雲粉侯之中絕等倫  
觀山死戰公裔孫大義奕葉猶能伸神絃侑倉祠明禋  
靈風盡日吹谿蘋

梧塍里

宋逸民千十一隱居處  
姓氏不傳明宋濂有贊

生不能為枋得為天祥又不能為豫讓為張良乃效靖  
節居柴桑金華先生為之贊曰千十一姓氏亡我後五  
百載定以逸民其允當隱梧塍里生馬鎮鄉仕承仕郎  
宋亡而心傷鴻鵠遠舉兮清風揚俯視王魏如粃糠

空谷里

元鄉賢俞之近故居之  
近名遠世偁空谷先生

空谷先生神仙姿生當擾攘不遇時嘯歌一室樂其樂

里中人士尊爲師先生厥考名弈性好施千人仰給力  
自支遺命斂葬一遵古屏卻世俗黃與緇克家有子抱  
翼鳳菰蘆晦迹人莫知賢人在野吾道隱元祚八十宜  
深思

席帽峯

元徵士王原古隱居處原古名逢

有元至正閒暨陽成盜藪鄉民多脅從帥欲駢民首徵  
士爲帥言民特失父母本無樂禍心撫之皆我有聞言  
帥感悟片語活萬口豈徒誇著作千金享敝帚太府薦  
其才前後徵不受僞吳及洪武兩聘皆卻走矯矯雲中  
龍矚然絕氛垢桑梓銘其功懦頑化其守是古鄉先生  
宜飲社公酒遼東管邴王千載乃有偶

存

三

萬卷樓

元義士陳傑藏書所

讀書不求仕賑饑不居功有詔拜副使辭辟何從容藏  
書及萬卷披吟老此中峩峩百尺樓千古陳元龍

織墩

元烈士吳重死難處洪武間詔旌其門官其子遠

彥古侍郎七世孫姓吳名重元隱淪僞吳竊據黨朱定  
借糧不許族重門一妾攜雛出遠匿返取嫡子刃已吞  
孤兒八歲天所存老漁拯此蘆中人雲亭日暮遇重婿  
相對涕泗交沾巾存孤濟險陰佑耳瓊弁之報何足論  
孤兒曰遠從婿姓五子其四仍歸根以死抗逆古壯士  
義烈自足啟後昆妾張漁顧婿姓陳至今軼事傳織墩  
高士舊居元倪元鎮避亂散家奉母由無錫來江陰夏雪洲築館居之在長涇鎮集

村禮

倪迂隱詩畫亂世全其躬平生喜盥濯世以迂是翁時世多穢德恐浼塗炭中潔癖聊寓意誰窺高士衷散財免世亂奉母天年終季世守錢虜鮮不罹兵凶觀題婦像詩庶幾梁孟風

虞門里

明太祖故人焦丙隱此

有詔急求焦先生大索十日無知名忽持斗酒馳甬道故人歡飲如生平玉角金帶拜帝賜何慮旦夕非公卿能從我遊帝方喜挂冠忽作陶通明高帝忌刻本性成功人功狗多遭烹先生少狎知帝隱迹甘效鴻冥冥羊裘大澤故事在祖德況對焦山青虞門故里今寥落

存

古

一顆長明處士星

砂山

明孝子趙鉉墓

思善

孝子

死賊舅

吳士益

存孤如杭母子失窮途義僕承

信鞠呱呱其姑得之育姑蘇承信為主刃賊逋明祖代

元開康衢孝子還鄉血淚枯先贅海虞幸生雛別妻尋

母走越吳三年瀕死焦髮膚後得牛商載與俱晝錦坊

前鄞縣居有嫗似兒痛貌癯十八年前述舊符迎母歸

養一紀逾得終天年首正孤孝子不願旌門閭願葬先

隴砂山墟

夏港

明孝子吳鳳坊

吾邑志載兩吳鳳字翥仙者多雋才前明吳鳳夏港住

目未讀書無所裁鼓擔錫簫覓微利市餅娛母如嬰孩  
受侮不校性非懦惡言若反傷親懷白楸爲棺靡布殮  
喪具草草無餘財傭身報值貸錢葬廬墓號泣悲泉臺  
世儒論孝事脩飾沽名不顧効人哈隱微抱疚根本失  
讀破萬卷何爲哉鳳不識丁業賤業孺慕奚翅參與萊  
一言不敢忘親在事死如此生可推我每過廬必矜式  
悽然風木生餘哀

九里山

明嘉靖三十四年乙卯倭寇江陰知縣錢鏞拒之戰死九里山

江陰障各郡江海之要衝勝國遇倭亂憶在嘉靖中豺  
狼逞荼毒居民懼洵我邑仁父母鶴洲錢令公登埠  
集義勇斬獲屢奏功賊自無錫至桀石來相攻三箭賊

存

五

大卻公亦中賊鋒楊成吳兌二團長蔽公股血紅吳死

公親祭哭聲振蒼穹翼日戰華墅蹙賊賊勢窮復合常

熟寇三千圍門東兵備王崇古坐視孤城凶公以死自

誓印衣表孤忠狼兵先遁走陷公所乘驄易馬裏創戰

殺氣流白虹同時死難者陳裕金鳴邢惠郭祿從時天

大雷雨晝晦吹腥風崇古奏不實蔽此扞禦功贈卹需

後命天道非夢夢嗣有夢公者執戟捍長弓賊來旋卻

走膽落神聽聰睢陽終殺賊毅魄爲鬼雄至今九里山

雲氣常濛濛

實園

先文貞公落落齋明李忠毅讀書處

高皇范鐵訓嗣王內臣無得干外政英宗惑振偶先生

聞寺居然竊國柄曹汪劉魏相繼生義子千兒勢逾橫  
大江西來入海門渾茫正氣生偉人文貞素仰貢克仁  
二十四罪侃侃陳嚴刑鍛鍊斷指死大呼高皇鑒微臣  
李與文貞本姻特初官南康已偁職列論崔魏扶周高  
誓以骨鯁死報國國步艱難力移完臣分內事無奇  
從容被逮臨危日自序生平絕命詞寂寞園齋繆與李  
懷古而今空仰止寄語枯燈擁卷人讀聖賢書有如此

遠塵房

明嘉宗嫡叔辭王為僧號雪徑和尚善  
寫十七帖來居邑廣福寺遠塵房書真

阿練若四字後  
不知其所終

惠帝傳遜荒今疑大師墓有國走蒼皇終少君人度雪  
徑本天潢掉頭去不顧孽窠善大書逍遙江上住聞昔

存

十六

隋王孫布席向佛訴莫生帝王家兒為帝王誤明季賊  
陷藩終以改天步福祿酒頻斟和尚早已悟行遜心搖  
搖豈有神仙慕

栖霞菴

順治二年乙酉八月王師定江陰明  
故江陰縣典史閻應元死之栖霞菴應  
元死所也今改為祠祀之及同  
死事典史陳明遇訓導馮厚敦

我

朝定鼎越周漢救民水火平暴亂頑民義敢昧壺漿自  
取滅亡死糜爛

深仁厚澤宥殷遺各為其主

綸音垂承平百載觀舊史疾風勁草咨涕洟應元姓閻  
官典史麗亭其字為明死前後剿寇多有功撫按交推

臥不起乙酉

大兵定江陰方亨失撫乖民心民本未忘故主誓以  
屠城懼益深陳馮何人逞螳臂不明順逆頻失利應元  
時隱砂山崖迎入孤城為爾帥火藥鉛丸發舊封輪銀  
輸粟感義公束縛草人收萬矢四城列守嚴乘墉軍法  
不緣豪右貸重者割耳輕笞背病醫死殮哭甚哀恩義  
纏綿士心戴搜羅義勇集眾材鈞弩球箭聽所裁或潛  
納款斬以狗五更聲轉楚歌來諸生許用作城外聞者悲之勸降者  
誰劉鎮府指畫興亾徒自苦微官不敢冀封侯願死趙  
家清淨土女牆修葺完復傾空棺實土以障城大雨兼  
旬礮不發滿城士卒偈神明閻公負傷守益急登城慘

存

七

見中秋月祥符寺中紅光飛芙蓉蒂破臣力竭城頭白  
鵝飛上天忠魂未死先成煙可憐六萬七千眾八十一  
日如狂顛前湖水淺死不得眾擁閭行僵立直回頭笑  
殺降將軍自愧當初身負國八月廿一鬼夜號栖霞禪  
院血洗袍陳尉前期引佩刀廣文自縊腰閒絛馮訓導縊於明  
倫堂介子黃生疏舍人戚勤僑寓邵君康公與程壁俱歛  
更有裙釵死魄香萬骨瑩前京觀積思陵失在誤用人  
熊文楊昌之輩何紛紛良材若得早建白謀國何媿虞  
與孫惜乎棄置投下吏猶為朝廷激忠義

聖朝寬大

詔褒忠父老傳聞尚流涕

五里亭

乙酉城破有女子自縊於亭尸腐逸其姓名或題詩哀之曰三月孤城未肯降

無名氏一女郎殉國難骨尚香亭五里詩兩行擬配響

露筋旁彼女子知綱常

十方菴

明故臣熊開元為僧於此自號藥菴和尚終於虞山真濟寺

朔風吹盡回陽春景星卿雲天運新宇宙雖大無所託

託於方外來江濱江濱說法機滾滾十方諦聽悟性真

有時下座忽大慟旁觀太息師前因師曾瓊林啖綾餅

師曾鐵面彈閣臣

周延儒

師曾執法劾中使

王應期

師曾謫

山西 戊州

隨風塵師曾南朝卻徵召不與馬阮同搢紳

宏光 召師

曾浮海護少主藩歸路誤觸飛龍鱗崖山舟

存

太

潮國安在芒鞋破衲餘孤身孝陵歲歲哭寒食一盂麥

飯誰招魂聞說江南訪遺逸出山泉水清且淪微臣不

及攀龍去梵偈鐘聲淚滿襟

江上

故明遺逸就所知者七人概以江上懷之

餐時朱子殉魯藩負石投海心煩冤海上今有忠臣魂

天育頭陀

諸生張印須

狂且奔蘆花燕子悲荃蓀手彈離騷

多血痕盲蟲

諸生劉藜雪

攜筐敗絮存孝陵痛哭七旦昏仰

天鳴嗚愁帝聞覺浪丈人

諸生黃鐘字

髮未髡東林講學昔

討論不履城市常居村漁舟一葉雲無根諸生陸望來風雨

長號聲自吞一衿雖微亦主恩席帽峰巔道士門華山

和尚俱失名

夙好敦共陳芋栗呼至尊餅師賣餅者失名善歌大江東

去乙酉後  
沈於江  
百歲饒兒孫大江東去酒一尊濯磨正氣還  
乾坤

寄山陽魯通甫孝廉 一同

秦淮幾度苦相尋見後離情悵又深千古文章多涕淚  
兩人心迹在苔岑我仍豹隱含神霧君定鶯遷到上林  
詠罷霓裳應轉憶江鄉尙有麤餘琴

太平何用劉蕡策錯比劉蕡更惘然久病本如疲乏馬  
不耕況是下中田重修破網魚終羨再補荒天月定圓  
寄語仲連休念我梅花三徑近安眠

題錢唐許季青乃椿無盡意齋詩集

無盡復無盡風騷兩得之悠然絃外響讀者意中詩今

存

九

古心方寸湖山筆一枝微吟生靜悟花放水流時

漫興

海內徧傳黃霸疏力除痼疾啟陽和危言本慮滋螟蟻  
善後先期料鸛鵝與塊野人天自棄耕烟瑤島幻徧多  
蓮仙愁絕梅花驛強別殘燈救火蛾

詭託爰居譯姓名么麼竟敢藐干城幻人莫恃條枝國  
大帥新連細柳營往復書誰通鳥使兜離語轉效豺聲  
擁旄建節雄開府宵旰云何體

聖明

瘴雨蠻烟及甬句毗連繡壤此咽喉時平民不知兵革  
海澗風難辨馬牛莫遣戈船輕下瀨可知帷幄重持籌

材官多少馳星檄畫住吳淞水一鉤

輕寒六月似秋深積雨愁看十日陰帶疾軍猶擐甲臥  
澹災天有洗兵心江湖滿地家無定星火催租吏更侵  
自笑杞人憂甚事漢軍旗幟盛如林

河決開封有懷洪生彥先

金貢

飢餓出門去偏逢河決時存心渾未卜生死況分離  
時

先之大母及父相繼歿於里中  
須早定歸期

捉船行

船來船來船莫回明日大兵絡繹來大船千計小船百  
汝不載兵官汝責吏胥藉兵橫索錢大船小船愁不言

存

手

商賈裹足行客遠但恐捉船去難返大船額足小船留  
腰纏已滿憑歸休小船歸休下流走逃命渾如喪家狗  
大船戕戕行載兵沿途需索倍取盈行船一萬坐者半  
船值日向縣官算縣官供給稍不時健兒一怒鞭梢管

大雪行

北風徹骨大地寒同雲四佈天漫漫武人東征馬不進  
狐裘貂帽相盤桓玉龍衙衙六花舞未到天明盈尺五  
牙旗半捲凍不翻白戰無聲寂桴鼓明州城頭凍雀飛  
姑蘇臺上烏夜啼吳姬沈醉尙歌舞健兒執戟寒且飢  
斯時龍公戰未息海水掀作琉璃碧毒霧遙連鼉子臺  
明珠照徹鮫人宅羊羔美酒花冥冥春風早入滄浪亭

誰何獻策毋亂行吁嗟李愬方治兵

十年

十年使節一身輕朔吹去聲重催萬里行何日中華相司  
馬幾人碧海掣長鯨堤防自盡纍臣力功粟還勞史氏  
評回首南雲天似畫胡麥夢魂飛過受降城

喜從弟達春自乍浦避兵回

前聞乍浦失舉室方驚惶今見我弟至痛定猶徬徨徬  
徨中夜說破涕爲喜悅手指百結裳猶帶兵閒血憶自  
去年秋風鶴生煩憂煩憂歸不得王粲徒登樓因循入  
今春警報日以至吏先蓄逃心民久無固志三月初七  
日賊船聲如雷初八賊轉退初九賊復來自辰至酉戊

存

三

已報全城失弟在火光中輾轉不敢出出恐遭官兵更  
防值姦民兵民肆淫掠刀下無完人三日竄空屋飢鼠  
同枵腹中宵不忍聞遠近婦女哭迨至十三午倉皇脫  
網罟夷酋爲安民巡視禁焚擄歸身失舊巢呼天但號  
吽沿途且乞食性命如鴻毛路逢仳離人訛言何紛紛  
畏敵某都統殺賊某將軍某也得夷賄某也賄逾倍硝  
黃易鴉片礮發不到海行急勿暇聽聽亦增暗驚平日  
講武備今乃知空名歸來具尊酒尊酒召親友大母臥  
在牀嬌兒抱在手母呼汝小字相見疑夢中兒索汝梨  
棗不知遭鞠訕阿兄牽弟衣醉後拔劍舞願將泰山雲  
散作洗兵雨

病曰

雙眸炯炯秋水清一旦忽作盲左盲病之始作由外患  
癰疥偶發微且輕當時良醫用藥猛瞑眩奏效如空青  
譬之殺賊務殺盡方免流毒殃民生忽有庸醫在旁笑  
執中用藥須和平一時過聽得小愈漸覺障翳遮星星  
雖未眈眈作雙瞽視近則見遠則瞶噬臍之悔嗟已晚  
所恨俗見殊冥冥囊錢告竭庸手退良醫蹙額悲紛更  
此時急須補元氣欲投惡石先參苓憬然再拜謹受教  
敢乞大寶還光明清光大來雲霧去刮膜似點飛龍睛  
乃知小道有至理無怪和緩享盛名

寄杭州王兩峰

武楹

存

三

明州烽火望連天喜接魚書又悵然春雨已愁三月暮  
故人況住萬營邊狂瀾東海迴何日芳草西湖憶去年  
我輩匡時苦無策蓬蒿棲息老蒼肩

寶山哀

不畏江南百萬兵祇畏江南陳化成

相傳夷中語如此

將軍愛

兵如愛子八百背寇壕一死比年粵海與浙東強敵寇

邊且內訌賴有將軍振威武江南按堵無所苦長溪一

戰虜氣豪將軍久置鞞中刀海氛漸逼吳淞鎮猶畏將

軍不敢進將軍一呼健卒興驍然萬礮交飛騰海上游

魂魚在釜軍潰城中忽無主將軍孤注無所依馬革裹

尸血滿衣愚民尙倚將軍力夜半喧傳公破敵搖搖箕

尾爛有光可憐亦在南斗旁

一望

一望澄江似戰場西風肅殺雨淒涼田園將熟無人管  
屋舍全空避寇忙千里鏡中窺日月六輪船上餽牛羊  
此身未是遼東鶴城郭居民已半荒

六月七日奉大母挈眷屬避居毘陵

傳來風鶴忽如麻倉猝西行入夜譁未必婚姻能殺我  
那堪衰病更離家眼前骨肉還欣聚身外風塵不暇嗟  
見說將軍能卻敵全師應向玉關遮

送徐生入山

避兵我向毘陵來奉母爾向丁山去伯勞燕燕無成心

存

三

但安親意姑且住丁山近與蜀山鄰東坡買田曾此處  
路幽徑僻民氣散俗儉資單盜賊恕侍親之外堪讀書  
時於此閒得佳趣歸期僕指明年春好記桃花幾千樹

夢徐生

夢裏不知別西窻坐夜談醒來差記得與子說江南

還家

平安且得慰高堂一葉扁舟返故鄉庭樹亦知人意好  
西風吹盡不嫌涼

老屋

老屋重歸秋氣深蟾光涼透薜蘿陰鄰家亦有新還客  
夜靜初聞隔院琴

贈寶山詩僧鐵岸 妙塵

鐵岸不滿五尺長酒酣芒角生枯腸世無知我行已矣  
收拾智慧歸空王譚禪說劍吾不曉但讀君詩每絕倒  
蛟龍蜿蝘雲錦張塵垢秕糠一筆掃儀秦抵掌壯士蓋  
抱關屠狗驕王侯六朝而後開釋典豪傑往往逃緇流  
昌黎闢佛重大顛歐陽亦偶祕演賢二公具眼有真識  
肯與流俗相周旋鐵岸十五二十時抗懷經濟酬所知  
如何一蹶不得復大江南北徒奔馳海旁樓臺多蜃氣  
可憐立錐竟無地將相公侯何足論破衲芒屨小遊戲  
夜坐蒲團萬緣寂舊劍飛騰欲破壁有時醉臥錦瑟旁  
一聲玉笛花芒芒昨日毘陵乍傾蓋落落行蹤太無賴  
一箇詩僧有千古

存

雷

冷官席上訴平生痛哭狂歌見者怪問君何不還儒宗  
掉頭大笑如癡聾君看傲岸好男子坎坎坷得全其躬  
鴻飛太空脫網罟鯨歸大海息風雨不在天兮不在淵  
一箇詩僧有千古

呂城舟次夢先慈及公內悽然有作

十年失恃慈顏隔顧我還從夢裏來猶是幼時歡樂境  
渾忘今日死生哀荒村舟楫魂何處游子衣裳線久摧  
一掬窮途飄泊淚無由拋灑向泉臺

糟糠怕憶舊酸辛草草浮生了夙因卻感隨姑來慰我  
相悲作客是窮人後妻前子雖無隙破視殘書不療貧  
夢裏已知君故鬼片時相對倍相親

丹陽阻風口占

荒村喔喔聽雞鳴  
篷背顛風怒作聲  
遙憶白頭親不寐  
通宵屈指算行程

壯志何曾爲別離  
只憐兒女忍朝飢  
誰將此夕思鄉夢  
寄與閨中話片時

夜宿京口銀山門錢家樓旅店題壁

蕭然琴劍走天涯  
王粲登樓暗自嗟  
烽火舊痕餘瓦礫  
村莊生計復桑麻  
風寒水弱潮無信  
木落山空暮有鴉  
不爲離鄉情緒惡  
頻搔短鬢感年華

月河水淺不得渡鬧遣悶

上流舟不來  
下流舟不去  
一閘橫中間  
齊唱公無渡天

存

五

厄飢驅人無適非  
窘步我來自毘陵  
百七十里路觸藩  
似羝羊進退皆自誤  
堂上白髮親年已迫  
衰暮懷中黃口兒  
呱呱索乳哺可憐  
牛衣人蓬首悲莫訴  
此行殊甚  
甚未必卽有遇  
況復行路難  
徘徊望江樹

魯生行贈通甫

君家仲連不帝秦  
風高七國推奇人  
後來魚頭老參政  
立朝蹇諤偁直臣  
君生自顧非錄錄  
肝膽照人炯雙目  
讀書養氣四十年  
鶴立雞羣邁流俗  
國家正逢全盛時  
朋儕尊酒但論詩  
惟君憂深且思遠  
抱膝長吟多嘆咨  
前年烽火連京口  
銀山鐵食無人守  
半壁東南幾劫灰  
空城往往無雞狗  
君爲死者表忠貞  
三公哀誅昭精誠

君爲生者激義勇功罪分明見者悚書生一言何重輕  
談言微中四海傾補偏救弊元氣足鞭箠自足驅長鯨  
我昔逢君建康道捫蝨而談見懷抱我今訪君黃河邊  
聞雞起舞心如擣乾坤雖大意氣孤杞人之憂何其愚  
我謂其愚不可及終看軼足馳天衢

金山懷古

大江東去繞金山坡老當年此往還一曲銅琶歌水調  
千秋玉帶鎮禪關雄才脫略疑青兕春夢浮沈付白鷗  
等是鴻泥畱爪迹那堪塵土對愁顏

粥鼓渾疑戰鼓頻寒潮落日大江濱中興事業開名將  
半壁江山仗美人何物書生輕扣馬至今遺像尙騎麟

存

美

閒僧指點黃天蕩付與漁樵話劫塵

九日聞蟬

落帽風吹落葉吟古槐衰柳氣蕭森憐他不識炎涼意  
空向高枝覓賞音

秋興

明月潛移薜荔陰凭闌獨立自沈吟路難咫尺遙千里  
親在螿鹽值萬金碧海青天良夜恨掉夢蟾樓也夕陽紅樹

故人心用于梧岡也休論石上三生話未了今生恨已深

無術乘風借羽翰馬公長缺向誰彈河堤歌舞消金易

水次遷延轉漕難鹽莢漸成羣盜藪薪芻久絕腐儒餐

三年此地登高望去馬來牛已厭看

栖遲久擬返衡門引疾何勞醴一尊豈有黃金酬漂母  
空餘芳草送王孫葫蘆長柄仍依樣野菜連畦儘齧根  
窮餓本來天玉汝只愁霜鬢漸添痕

秋日書懷卽寄謝西卿

換一

仗劍出門去飄然客又歸黃金從古重青眼覺今稀淮  
北涼先到江南露欲晞故人千里外應亦念柴扉

存

毛

夢蟾樓遺藁序

歲壬辰秋晤江陰繆布廬於白下學亭而境困廉介自守慷慨重然諾有古人風心靡之遂定交明年春書來以省試報罷後旋悼亡意氣衰颯若不自持因作善慰之今秋始寄示所撰劉孺人小傳乞序其遺藁然後知君固瑰異士乃劉孺人者亦賢婦也士不得已奔走衣食歲持所入以事父母蓄妻子苟不足猶不免如北門詩人所云者抑不至入門交謫或稍識字日手一編咿嚶妝閣閒不省親操井臼爲何事米鹽陵雜將身自經紀卽磊落俊偉若布廬吾慮其方寸亂矣孺人秉祖訓事太姑君姑克盡婦職食貧習苦力勤贍養使布廬坦

夢序

然無內顧憂得以其閒畢力於學問意固遠矣寒燈板屋朔風怒號紡績之聲與村櫛上下窮愁無聊傷懷念遠發爲吟詠其聲悲涼蕉萃而其志屹然如千丈之松經霜雪而不落令人讀之隱然見陋室窮巷中有此賢夫婦者繫豈尋常閨秀比哉布廬性簡傲落落寡所合自孺人之沒再試仍被放又連遭兩喪境日窮蹙益思孺人不已手編此集以傳其同愁共樂之意平日糟糠之誼可知也嗚乎閨中良匹若孺人於布廬蓋古梁鴻孟光之亞不幸而不能偕老宜其感念如此布廬之言曰自孺人沒而世遂無知予心者嗟乎悲已道光丁酉孟冬張文虎撰

夢蟾樓詩錄

武進劉壽萱箸

白頭吟

新花開故枝舊花落多時郎今勿娛嬉聽妾前致辭妾  
爲郎後婦恃愛忘妾醜郎心眞妾懷妾心印郎口東市  
買明珠南市買羅襦西市買美酒北市買銀鱸膏澤面  
膚悅衣倉信無缺長跪問前妻請郎一一說前妻來歸  
日值郎貧賤時無薪炊屢屢無粟朝忍飢畜妾今日富  
忘郎昔日貧豈惟忘昔貧并忘舊時人舊人爲郎死死  
後幸有子勸郎續絃膠家事須料理瀕危執郎手惜此  
呱呱兒棄置在後人生死從郎爲妾身赴泉壤妾魂守  
家門孤兒眼中血新人掌中痕郎言聽未終新婦聲暗  
吞結髮尙寡恩新婚何足論願移愛妾意先慰泉下魂

昭君歎

明妃生長荆門時布裙照耀傾城姿心高不肯厮養嫁  
年少常期天子知漢家天子勤宵旰後宮佳麗無心玩  
單于歲入雁門關羽檄紛馳常待旦待旦何人侍至尊  
三千宮女競承恩深宮一入如長夜鏡裡朱顏祇淚痕  
淚痕終日對東風月落烏啼朝暮中春光不管垂楊碧  
秋雨誰題落葉紅千金恥買相如賦況肯低眉暗行賂  
畫工能竊太阿權顛倒妍媸君勿顧贏得烏孫下嫁名  
君王慘淡在臨行早知我見猶憐汝卻恨圖窮已誤卿

卿辭漢殿向黃沙回首長安不見家  
淒絕城頭吹篳篥愁來馬上撥琵琶  
琵琶幽怨分明語碧眼胡兒淚如雨  
八月邊風愁殺人雪花如掌當風舞  
薄命紅顏敢自傷死畱青塚土還香  
上林驗取南飛雁一紙還憑報漢皇  
望行人

登樓望山山不斷山外有天不許看  
何當五丁力開山青天盡置眉嫵閒  
眉嫵閒無復舊朱顏朱顏容易老行人何日到

征馬嘶

邊塞草枯處將軍乍列營  
駑駘甘戀棧騏驥願從征  
戰死骨難朽生還功已成  
超騰千里志不作別離聲

夢

二

古藤書屋弔東坡先生

建中靖國元年坡公自海外歸乞居常州寓顧塘橋孫氏宅以是年七月卒今方氏古藤書屋卽孫氏宅也七百年來不知更幾主人矣

端明曾小住宅在水雲湄  
儻耳頻年謫峩眉故國思  
乾坤窮此老烏鵲弔空枝  
月下重相訪藤蘿似古時

過青山莊故址

甌北集青山莊歌有畫寢香消空堂氣冷之句當日莊雖入官寢堂尙在也今則鞠爲菜園漸成墓地以視甌北賦詩時又何如也

荒莊變墓田人指舊平泉卽此流螢徑曾開射鴨筵花

神無片土

見歐北集

園戶絕多年興廢非天意方知疏傳賢

苦寒

欲雪不得雪寒風徹骨侵擁衾成潑水惜火勝兼金瓶  
膽無端裂蕉心何處尋鴛鴦餘半幅凍指畏拈鍼

哭從妹佩荃

妹以家貧幼畜於同里張年十二張翁卽聘爲  
子貽謀室年十七成婚十九貽謀以瘵亡妹持  
喪及期暴卒姑老且病無子爲存一詩以俟採  
風者

幼作出巢雛中途鳳又孤早知生薄命決計死從夫堂  
上孀姑在衰年兩淚枯旌門他日事泉下也知無

夢

三

病中

幾番伏枕思茫茫此病空將藥餌嘗哭子怕看雛燕壘  
思親啼斷乳鴉腸蠶僵苦被千絲縛鶴瘦惟餘一頸長  
聽盡塔前秋夜雨五更燈火亦無光

寄外

勞能生善古人思夙奉曹家作女師績紡夜深頻顧影  
窻櫺天曙早舉帷蒼苔未掃三三徑綠萼能開九九時  
荆布自甘恬淡意敢因柳色感春遲

子夜歌

剪妾衫上袖補歡衣上襟歡襟連妾袖他年思妾心  
偶成

有書意難盡無夢心轉安悟徹維摩理初生月似殘

春去

游絲和絮亂啼鳥戀花稀長晝原如昨春從何處歸

古意

蘇武雪中羶李陵臺上月河梁送別時知心未知骨

西施

吳越春秋逸篇云吳亡後越浮西施於江令隨  
鴟夷以終鴟夷指子胥言越沈西施以報忠魂  
也自杜牧誤以范蠡之鴟夷子皮當之遂有五  
湖一舸之訛是未見墨子之西施沈其美云爾  
夫子胥忠於吳西施亦越之忠也詩爲苧蘿解

夢

穢

四

夫差鑄錯在荒成不盡城因一笑傾到底邱明真信史  
未將吳沼咎卿卿

清歌妙舞館娃宮能使吳儉迫甬東合把黃金鑄紅粉  
緣何鳥盡竟藏弓

綺山明月夜團圓茂苑春深不覺寒爲問捧心因甚事  
舊君嘗膽妾承歡

讀史感平原君事

爲畱珠履斬蛾眉彈鋏門庭洵足奇錐處囊中仍碌碌  
兵符救趙仗如姬

水仙

簪弟梅兄品尚差渺如姑射立窻紗肯將水上淺波步  
來散人閒女史花

忍冬藤 卽金銀花

記得炎天香氣濃深黃淡白繞如龍蓬門不識金銀氣  
換取芳名作忍冬

木香

素面朝天秀可餐錦棚兒付掌中看如何一樣飛香雪  
輪與梅花徹骨寒

夢

五

州判銜候選訓導張先生行狀

先生姓張氏諱文虎字孟彪又字嘯山南匯之周浦人幼穎異出就外傳誦讀倍常兒見插架書輒自翻閱信筆評其是非師禁止之而心重焉因以語先生父紹庭公公家故貧從先生所好遂勉令讀書道光癸未年十六丁祖母暨紹庭公憂力營喪葬皆如禮然困甚慮無以奉母明年爲里中王氏童子師稍獲脩脯以供甘旨先生雅不喜帖括頗肆力於詩古文辭又以家業維艱不欲應童子試業師惺齋姚先生焯焯力持之丙戌補邑諸生丁亥丁母憂力益窘客授南塘張氏旣而讀元和惠氏歛江氏海陽戴氏嘉定錢氏諸家書慨然歎爲

行狀

學自有原本馳騫枝葉無益也則取九經漢唐宋人注疏若說經諸書由形聲以通其字由訓詁以會其義由度數名物以辨其制作由言語事蹟以窺古聖賢精義所存旁及諸子史是非得失源流異同以參古今風會之變益無志於科舉壬辰大比戚友強之行試卷墨汗題詩號舍而出自是不復應試金山錢雪枝通守熙祚輯守山閣叢書以屬顧尙之先生觀光顧先生治醫術不能專力舉先生自代先後館錢氏三十年所校書若守山閣叢書指海珠叢別錄及鼎卿學博熙輔續輯藝海珠塵壬癸集夢華少尹培名輯小萬卷樓叢書無慮數百種一時考據家稱爲善本嘗三詣杭州

文瀾閣縱觀

四庫書手自校錄續溪胡竹邨

培翬元和陳碩甫 夙兩

先生亦以窺中秘書同寓西湖胡先生方爲儀禮正義  
陳先生箋詩毛傳疏過從商榷甚歡中閒西游天目南  
登會稽尤愛天目之勝因自號曰天目山樵先生客於  
外有二弟又皆就賈子如也乙未年二十八始就婚於  
金山姚氏越四年舉一子曰錫貞姚孺人有賢能稱以  
是無內顧憂癸卯偕錢通守游

京師通守卒於邸先生爲經紀其喪載其柩南還道過  
維揚以通守所輯書質證於阮文達公公由是深契書  
函往復無閒時通守輯指海未竟其嗣偉甫

培杰子馨

行狀

二

培蓀兩司馬請先生畢其事先生力任不辭海甯李壬  
叔先生善蘭與先生談算契合咸豐初李先生從英吉  
利士人艾約瑟偉烈亞力新譯重學及幾何原本後九  
卷婁韓綠卿中書應陞任刊幾何鼎卿學博刊重學皆  
先生爲之參訂而艾約瑟輩竝深明算理格致之學者  
聞先生名數數造訪質疑問難咸大折服歎爲彼國專  
家勿能及丙辰移家張涇堰蓋贅於姚二十有二年至  
是始有家也粵匪之亂避難回里又轉徙於奉賢上海  
閒同治癸亥錫貞病沒抑鬱不自聊乃就曾文正公聘  
初郡守湘潭袁公芳瑛淹雅好古折節交先生屢欲延  
致之而先生以錢氏叢書之役不能應後袁公數稱先

生於曾文正文正公心儀之安慶克復長江輪舶通行遂具書介李王叔先生來招屬以內軍械所事而今制軍威毅伯曾公方刊其鄉先輩王船山先生書牋局皖垣卽延先生及儀徵劉伯山先生毓崧分任校讐甲

子

大軍克江甯文正文公移節之任先生與偕以書局自隨乙丑船山遺書刊竣仍留幕府喟然歎曩所校錢氏諸書俱燬於寇而幾何重學二書尤切於當世之用請於文正文公重鉞以行是年秋今傅相肅毅伯李公繼督兩江議開書局刻經史各書烏程周縵雲侍御學濬總其事仍延先生校理因商定條例以呈李公公亟稱善所

行狀

三

刻如四書十一經史記前後漢書三國志文選王氏讀書稌志漁洋山人古詩選皆先生手校而於史記集解索隱正義一書考索尤深己巳晉撫開縣李公宗義以

書招先生書達制軍馬端敏公公欲留先生書局徑爲

書謝之而後以告庚午文正文公再回任逾年公薨先生

感知己凋謝自顧衰老屢辭書局而歷任制軍若香山

何公環合肥張公樹聲及開縣李公皆慰留甚堅今傅

相李公總督直隸聞先生欲辭席特寄言留行而制軍

李公詒書言已學問固遠不及曾李而欽佩之心未敢

稍異如不以爲不可共事務請勉留癸酉冬先生歸志

益切以老固請始得旋里而川督盱眙吳公棠新建尊

經書院及設書局於成都以學使今粵督南皮張公之  
洞言介制軍李公來聘先生爲書懇辭方將謝絕一切  
頤養精神又值蘇撫固始吳公元炳檄下各縣修輯志  
乘邑令秀水金公福曾造門敦請迫於桑梓之誼勉應  
之光緒初奉賢令蕭山韓公佩金華亭令襄陽楊公開  
第亦相繼以志事來聘及門錢子馨司馬議輯先世書  
目留先生於郡城復園丙子秋子馨沒遺孤尙幼爲處  
分其喪事而適聞姚孺人之訃悲傷不能已自是神氣  
稍衰矣丁丑子馨家屬遷回金山以復園邀先生居遂  
遷家焉癸未今學使少司馬瑞安黃公體芳創建南菁  
書院於江陰夏四月按臨松江躬延先生主講席時先

行狀

四

生足痿艱於行再三辭不獲秋七月赴江陰冬十一月  
旋里足疾加甚乃具書請退不復出甲申長至痰火驟  
作類中風醫治少瘳乙酉正月復作卒於復園先生於  
書無所不覽過目輒記尤長於比勘遇疑義必反覆窮  
究廣證旁引以匯於通往往發前人所未發都礪不可  
易具詳所著各書今其已刊者曰校刊史記集解索隱  
正義札記五卷舒藝室隨筆六卷續筆一卷餘筆三卷  
襍箸甲編二卷乙編二卷贖稟一卷詩存七卷索笑詞  
二卷其未刊而藏橐於家者曰鼠壤餘蔬一卷詩續存  
一卷尺牘偶存一卷湖樓校書記襍記續記蓮龕尋夢  
記夢因錄各一卷其曰懷舊襍錄者具橐而未經編定

者也又嘗以漢魏以來古樂失傳而古書之存於今者  
祇滋後人聚訟近世若王氏坦凌氏廷堪戴氏煦多所  
發明然猶不免有所牽合乃因端以考其器數審其聲  
氣以究古今之變異作古今樂律攷一書願尙之先生  
作殷秣攷所以申鄭氏一家之言先生證之經傳謂鄭  
氏誤執緯書及大傳之文致召詒注破經從秣而劉歆  
又損夏益周移前五十七算以求密合經文爲作周初  
歲朔攷以疏通之二書經寇亂散佚未及整比復以世  
人論古文輒曰唐宋八家不知唐之與宋原委旣殊門  
戶自別豈可概論乃選錄元道州以下十八家之文爲  
唐十八家文錄若干卷以破唐宋八家之說之固陋蓋

行狀

五

先生之學博大宏遠旣以經學小學秣算樂律立其本  
泛濫以及其他莫不洞悉源流燭見幽隱實事求是由  
博以返約勿苟苟於著述亦勿囿於門戶溯自惠江戴  
錢諸家而後可謂集大成也已然先生豐於學而嗇於  
境少時疊遭大故家屢空殆人所難堪自是客游日多  
垂白歸來又恆抱伯道之戚而先生不以是廢學盤根  
錯節厲志愈專手一卷外無他嗜好老而彌篤此雖先  
生天性好學而百折不回亦由養之者深也先生體貌  
厚重性端嚴沈默寡言語然接之極謙和曾文正公謂  
爲有儒者氣象嘗詒以楹帖有多聞寡欲之語實錄也  
江甯歸後痛季弟文龍先卒乃招其仲弟同居白頭兄

第一室怡然於朋友傾誠相款有困乏者倒橐周助勿吝苟有過直言無隱或疑其甚則曰此吾所以酬知己也後進以文字質者必指其涂徑期之甚厚其敦篤類如此尤喜闡揚潛隱見有簞述可傳無論識與不識必竭蹶以謀之婦翁姚堅香先生前機與其兄古然先生前樞以詩詞名而江陰繆少薇先生徵甲者詩友也沒後後人無力傳其橐先生竝爲刊之顧尚之先生爲先生石交箸作等身莫能任剞劂先生爲謀於上海令獨山莫公祥芝俾爲刊布顧先生算學獨絕今古而名未及遠及書出而顧先生之學遂大顯於天下叟朱虞卿先生大韶遂於經術亦有遺書藏於家會瀏陽李勉林

行狀

六

觀察興銳屬先生刊有用書先生選錄其經義若干篇校付梓人於是承學之士乃知吾郡經師有朱先生今學使黃公且以二先生書上之史館將列傳儒林亦藉先生表彰之力也又顧先生嘗爲錢氏校刊素湖靈樞復爲作校勘記二卷板亦遭燬是書自道藏本及明以來所刻率皆亂莫可究詰顧先生覃精研思續正其舛譌者數百條先生歎爲精善歸自江陰取顧先生校本覆按之又補正百餘條思爲刊傳而卷帙繇重未能舉當病作時猶手是書不置此則先生未竟之志也曩從文正公軍營於江甯克復得保舉以訓導選用光緒初援例加州判銜生於嘉慶戊辰五月二十九日卒於光



